



- L. XIII


16/e

2010  
A

bound with 608

Ch. Heinicke 1770









JEAN-HENRI SCHÜTTE,  
usatenfis. Med. Doctor,  
Rerumque Naturalium  
Indagator.

Natus AD MDCXIV.

JO. HENR. SCHÜTTEI,  
Susatensis, Medicinæ Doctoris

ΟΡΥΚΤΟΓΡΑΦΙΑ  
JENENSIS,

Sive

FOSSILIUM ET MINE-  
RALIUM

In AGRO JENENSI brevissima Descriptio:

In qua

De Situ & Natura Agri, Aëris salubritate, Aquis  
Curiosis & Medicamentosis, Terris Medicis & Me-  
chanicis, Lapidibus ἀμορφοῖς & Figuratis, tam ex  
Naturæ Lusu, quam Petrificatione, Salibus & Metallis,  
brevissime agitur.

*Cum Figuris rarioribus æneis.*

Accedit

Ad Illustrem & Experientissimum

GEORG. WOLFFG. WEDELIUM

DE

VINO JENENSI

EPISTOLA.  $\frac{10}{10}$

---

LIPSIAE ET SUSATI,

Sumptibus JOSEPHI WOLSCHENDORFII,

Typis HERMANNIANIS. 1720.







# PRÆFATIO

## AD LECTOREM.

**R**erum Naturalium, aut Physicæ notitiam, ad cognoscendum Sapientissimum Universi Conditorem, Deum, & bene degendam vitam humanam, summe necessariam esse, existimo. Quare vulgare illud Philosophantium axioma: Ubi desinit Physicus, ibi incipit Medicus, imperfectum esse puto. Quamvis facilis concedam, quod Physica,  
(\*) ad

*ad Medicinam rite discendam, maxime necessaria sit; negari non poterit, quod Oeconomiae, rite institutae, firmum fulcrum sit; & ad alias vitae partes maxime requiratur.*

*Ponam itaque sequens axioma: Ubi definit Physicus, ibi incipit Christianus, Theologus, Medicus & Oeconomus. Quod autem Naturae cognitio, Homini Christiano summè necessaria sit, is facile perspiciet, qui causas, cur Deus hominem creaverit? certo judicio ponderabit. Inter quas, illa haud minima est; ut Creatoris omnipotentis & Sapientissimi creaturas inquirat, contempletur, admiretur, eumque diligat et laudet. Quod de ignorata Natura aut Creatura, minime dici poterit.*

*Hic Dei, in creandis creatisque hominibus, finis, cum à nullo contradictus sit, non video, cur tantopere illi hypothese nos opponere velimus, quae in Luna ac*  
*Pla-*

*Planetis, vastissimis corporibus, homines vivere docet. Cum tamen hæc corpora (1) à nobis longe distent, ita quidem, ut nudis oculis ea contemplari nequeamus: (2) similem terræ nostræ (si per tubos observantur) faciem referant. (3) Si à rationalibus hominibus inania statuuntur, sequeretur, hæc frustra à Deo creata esse, nullumque usum habere (quod tamen nemo credit) quia nemo existeret, qui illa corpora, & in his alia minora, admirari possit. (4) si vero mundos esse statuuntur, Omnipotentissimi Creatoris potentia magis, extollatur. (5) Sacro codici minime repugnet.*

*Sed objiciet quis: Optimos Physicos, sæpiissime Naturalistas aut Atheos evadere. Cui respondeo: Nullum verum Atheum, à condito orbe, adhuc usque tempus (qui non in animo convictus, Deum existere, hæcque omnia creasse) unquam fuisse. Cum tamen Summus Deus, hoc pricipium omnium gentium mentibus indiderit, ne*  
*qui-*

*quidem barbarorum animis exceptis. Si vero quidam sunt, qui dictis aut scriptis, Deum esse, negent, illos hoc minime credere puto; sed ab illis fieri, ut ingenii & rationis acumen in defendenda inexistencia Dei, ostendant, & paradoxa dixisse videantur; vel Deum misericordem & clementissimum sibi persuadentes, ut majorem seculorum flagitiorumque licentiam sibi tribuant. Si vero præter opinionem veri Athei, Deum haud existere firmissime credentes, dantur, illos ipso diabolo, (qui Deum credit, & contremiscit) pejores esse, pronuncio.*

*In Theologia Naturalis Historia per quam utilis est: quia similia, Christianorum morti, resurrectioni &c. accomodatissima præbet, v. gr. Flores & aquarum bullæ, hujus vitæ vanitatem, Papilionum mors & suo tempore illorum reviviscencia, corporis nostri, post ultimum mundi diem, resurrectionem, optime adumbrant. Similia, ex Naturali Historia desumpta,*  
*ipsum*



SERENISSIMO PRINCIPI  
AC DOMINO,

DOMINO


JOANNI  
ERNESTO,  
DUCI SAXONIÆ,

JULIACI, CLIVIÆ AC MON-  
TIUM, ANGARIÆ ET GUESTPHA-  
LIÆ, LANDGRAVIO THURINGIÆ,  
MARCHIONI MISNIÆ, PRINCIPALI  
DIGNITATE COMITI HENNEBERGI-  
CO, COMITI MARCÆ ET RA-  
VENSBERGÆ, DYNASTÆ IN RA-  
VENSTEIN, &c. &c.

PRINCIPI AC DOMINO  
MEO CLEMENTISSIMO,

*SACRUM!*

SERENISSIME  
PRINCEPS,  
DOMINE CLEMENTISSIME!

Um callidi Rerum  
Naturalium Æstima-  
tores, Historiam Na-  
turalem semper magni æstiment,  
TIBI, SERENISSIME PRIN-  
CEPS, *Optime Rerum Naturalium*  
*Æsti-*

*Æstimator, & Indagator felicissime*, hanc *Jenensem Oryctographiam*, tanquam *Historiæ Metallicæ Salfeldensis Prodromum*, devotissime offero. TU enim DOMINE CLEMENTISSIME, Naturalis Historiæ, imprimis Metallicæ, maxime gnarus es, *Δοκίμας ἤς* optimus, & Chemicus multum perspicuus, & quidem talis, ut *Basilium Valentinum*, aliosque obscuros Autores optime intelligas, variaque experimenta quotidie instituas. Quare, singulari TUA CLEMENTIA, qua exteros semper amplexus es, fretus, hunc libellum TIBI consecro, TUAMQUE TUTELAM submisſe expeto, ut à male feriatis tutus esse possim. Interim sub TUA tutela, hujus  
*Pro-*

*Prodromi Opus* elaborabo, uttan-  
dem in publicum prodire possit.  
Servet TE Deus incolumem,  
PRINCEPS SERENISSIME,  
ERNESTI PII *Superstes* GNA-  
TE, & SAXONIÆ DUCUM  
*Venerabilis* SENIOR, augeat Fa-  
mam, compleat laudes, cumulet  
gaudia! quod sincere optat

*SERENITATIS TUÆ*

*devotissimus*

JOH. HENR. SCHÜTTEUS.



*ipsum Sanctissimum Numen in Libro Sa-  
cro nobis offert. Jes. Cap. I, 3. & variis a-  
liis locis : & omnium Servator sæpius.  
Omitto usus reliquos Physices in Theologia.*

*Damna vero , ex physices ignorantia  
orta, varia sunt : quorum unum saltem  
commemorare volo, nempe : Ante aliquot  
annos, incerto germaniæ loco (cujus men-  
tionem non faciam) maxima annonæ ca-  
ritas incolas valde torquebat : eo vero  
tempore, cum Sol, ex fossa quadam cre-  
tacea, aliquot miliaria ab illo loco distante,  
aquam cum creta in auram traheret, &  
suboriens ventus per tot miliaria in hunc  
locum forte dejiceret ; statim Clericus (in  
physica hospes) Deum singulare quoddam  
miraculum & gratiam, in illum locum con-  
tulisse, & cum vento farinam, à cælo de-  
lapsam, ad pinsendos panes suppeditasse,  
(quod per corvos Eliæ Fatidico, I Regum.  
XVII. fecerat) autumans, omnes convo-  
cabat, & ut panes pinsant, adhortabatur ;  
cum vero his panibus nemo frui posset,  
veteri*

*veteri farinae immisceri iussit. Quibus factum est, ut multi post aliquot horas vitam cum morte commutarent.*

*Prætereo innumera & inæstimabilia in Medicinam & Res Familiares, vulgo Oeconomiam, redundantia commoda: At quorundam Medicorum superficialem physices tractationem ac notitiam, & in indaganda Natura, inexcusabilem negligentiam, culpo. Cum tamen Medicis optima, Naturam inquirendi, occasio sit, ut operam, studium, diligentiam, ingenium & iudicium in Anatomiam, Botanicam, Chimi-  
am, Mineralogiam &c. conferant. Quid enim optabilius, quid præstantius & jucundius, quam Medicorum investigatio Naturæ, observationum collectio, earumque typis expressa communicatio? ex quibus hæc utilitates: (1.) ut rerum varietates enumerentur, miraue Dei sapientia innotescat (2.) Eruditus orbis harum rerum notitiam acquirat, & brevi totius orbis Naturalis Historia colligi possit, (3.)*  
quæ-

*quævis terra atque regio suas naturales divitias noscat, inque usum vocet.*

*Magnæ enim sunt Naturæ divitiæ, quamvis plurimum adhuc absconditæ, & incolis ignotæ. Talem, divitiarum suarum ignorationem in conterraneis suis, hâc cum expressione deplorat Encelius: O Patria dilectissima, si tuas divitias nosceres! & idem Autor Lib. III. de Re Metallica, cum Misniæ urbis incolæ, jaspide spadiceo pro filia, ad eliciendum ignem, uterentur, exclamabat: O sancta simplicitas Germanorum. Ex eadem causa, nempe mineralia & fossilia cognoscendi distinguendique inscitia, germanicum illud Metallicorum proverbium ortum est: Man wirfft offte einen Stein nach einer Kuh / da der Stein mehr werth ist / als die Kuh.*

*Sed quorsum vagor? video enim me præfationis limites transire: quare hic subsisto, ad agrum nostrum me converto, & de libelli hujus ratione quædam TIBI mone-*

monebo: (1) me hanc oryctographiam in-  
curiosorum, imprimis vero jenensium u-  
sum, scripsisse. (2) hunc laborem minime  
perfectum esse, autumare; quia in tanto  
brevis temporis spatio, quo jenæ, ad studia  
medica incumbens, commoratus sum, per-  
fectum opus colligere non potui; sed me  
Rerum Naturalium Inquisitoribus, ad quæ-  
renda fossilia, viam saltem monstrare,  
quam ipse calcavi. (3) me Excellentissi-  
mi D. JAC. BAIERI methodum, quam  
in oryctographia sua Norica proposuit,  
tanquam naturæ convenientissimam, se-  
quutum esse. (4) Me hunc libellum,  
tanquam Historiæ Metallicæ Salfeldensis  
Prodromum, in lucem edidisse, & curio-  
sos, qui forte de hac materia observatio-  
nes habent, ut mihi humanissime commu-  
nicent, ea, qua par est humanitate atque  
observantia, rogare. Interim vale L. B.  
& ea, quæ Tibi displicent, solide & ami-  
ce, corrige; vale atque fave.

Dabam Susati in Guestphalia,  
die 22. Febr. MDCCXX.






# ORRYCTOGRAPHIÆ JENENSIS CAPUT I.

DE  
SITU ET NATURA AGRI  
JENENSIS.

§. I.

 Elebris per Orbem Aca-  
demix Jenensis AGER, in  
Thuringia situs est: quæ  
versus Solem Orientem Mi-  
senos: Occidentem vero Cat-  
tos: ad Meridiem Francos, & Septentrio-  
nem Saxones Inferiores, vicinos habet.  
Ceterum Jenæ, in medio agri nostri, Po-  
li elevatio est LI. grad. & 2. minut.

§. 2. Omitto vocis *Jehna* / Jenæ ori-  
ginem & derivationes varias, Urbis Con-  
ditores incertos, & Academix Fundato-  
A rem,

rem, Nutritoresque Serenissimos ac Munificentissimos: de quibus, Scientiæ Naturalis Cultor, in hoc libello non agam; sed ad Historicos, Geographos &c. curiosum Lectorem remitto. Tanquam in Compendio autem de his egit *M. Adrian Beiers Geographus Jenensis, Jenæ 1663. in 8tav.* typis expressus: cui etiam adjici potest ejusmodi *Beiers Architectus Jenensis, Jenæ 1681. in 8tav.*

§. 3. SOLUM nostrum, in diversis agri partibus, multum variat, tam fertilitate, quam natura glebæ, quod in variis vicinæ etiam locis observavi. Circa oppida enim Orlamundam & Calam, ager arenosus est: Circum pagos *Mauen & Schöps* / pauca lutosa terra mixtus: Jenæ contra, majori luti atque nigrioris terræ copiâ: ad pagum vero *Roetschau* / haud arenosus est: in Vineis autem valde lapidosus, ita quidem, ut plures lapillos, quam glebas cerneret. Præterea hæc soli mira Varietas, in figulorum fodinis animadvertitur: in quibus strata super strata, colore & materiâ inter se diversa, in conspectum veniunt. Hoc solum, quamvis non admodum pingue sit, agricolarum hortulanorum-

rumque culturâ & stercoratione corrigitur: quidam curiosorum vero hortos suos, nitro fœcundiores reddunt. Ex quibus facile patet, quod non una eademque fertilitas, in omnibus agri partibus esse possit.

§. 4. Quemadmodum hic ager fertilitate et natura glebæ variat: ita etiam montibus præaltis, vallibus profundis, sylvis umbrosis, pascuis humidis ac virentibus, agris planis et aliquando declivibus, vineisque apricis & Solis radiis oppositis, varius est. Quæ omnia Sala fluvius, rivulique minores inter se distinguunt, & ductu irregulari ac flexuoso, insulas & semi insulas componunt.

§. 5. MONTES prærupti, herbarum optimarum fertilitate nobiles & amœni, arborum fructicumque vero, ut plurimum, steriles, & brevissimo gramine obliti, Medicis, Reique Herbariæ Studiosis magnam delectationem, majusque commodum afferunt. Hi montes, imprimis *Wintbergus* & *Gleisbergus*, inter loca, in Germania medicaminum feracia, à VALERIO CORDO in *variar. observationum sylva*, numerantur: qui etiam in *Histor. de Plant.*

*Lib. II., Hausbergi* nostri mentionem facit. Ceterum, de herbarum plantarumque ubertate, tam in montibus, quam in toto Jenensium agro, *Ruppii Flora Jenensis* à me edita, brevi multo auctior atque emendatior edenda, testatur. Illi vero montes, quorum jugera ita conjuncta sunt, ut cavitatem concavam efforment, vocis imagines reddunt duplicatas aut triplicatas: quæ vocis collectio & reflexio, *Echo* appellatur. Has vocis duplicatas triplicatasque imagines, in regione molæ papyrariæ, ante portam St. Johannis, & in campo das Lerchen-Feld / ante Zwezensem portam, clamantes cum delectatione audiunt.

§. 6. *Summa montium cacumina* nubes pluviales, in stupendam molem collectas, & in inferiore aëre, ob ponderis molisque gravitatem nimiam, profunde dependentes, disrumpunt, magnamque inundationem agris & vineis inferunt, cum hominum animaliumque periculo. Quales Anno cirocc. die xxvi. Maji Jenæ, *Apollidæ & Kappendorffii* disruptæ sunt. Harum aquis, teste *Fabritio in orig. Saxon.* Leutra rivus & Sala fluvius, ita



intumuerunt, ut *Jenæ XXXV.* homines in aquis perierint. Anno *MDCLIII.* *IV.* Cal. Aprilis, ad montem *Mägde-Steig* / vulgo *Maide-Steig* / nubes pluviales allidebant: quarum aquæ in Suburbio jenensi, in platea *der Stein-Weg* / non nullas civium ædes, magno cum impetu evertebant. Prætereo reliquas historias. Minorum autem nubium rupturæ, quotannis fere contingunt.

§. 7. *Cavernæ* quædam in montibus conspiciuntur, quarum notissima, quæ ad viam, quâ itur ad pagum *Wöllnitz* / est, & *das Teuffels-Loch* / vel *die Teuffels-Höhle* nominatur, mendicorum sæpius domicilium & diversorium. Majoris commodi autem illæ sunt, in quibus cerevisiæ, lac & vina &c. à calore æstivo optime defenduntur: quales *Rodæ*, aliisque in locis occurrunt. Angustæ & parvæ contra, quæ in vineis sunt, in quibus, quando uvæ maturescunt, excubiæ aguntur.

§. 8. *SYLVÆ PINIFERÆ* singulis annis cæduntur: quarum majores sunt, quæ *Reichmannsdorfium*, *Salfeldiam* & *Rudolphopolim* cingunt. Ex his arbores

casas, in veris initio, copiosissima nivalis aqua, ex sylvarum montibus collibusque in agros, valles & Salam rapit. Quædam hujus ligni pars, ad construenda componendave ædificia, aptatur, vegetioribus salicis vel betulæ ramis, funis instar contortis, in fasciculos pontis navigabilis forma, combinatur: quos fasciculos *Bau-Flöße* nominant, & ad remotiora loca à Sala flumine venales vehuntur: altera vero pars, ad coquendos cibos & fornaces calefaciendas, in partes minores, quas *Flöß-Scheit* appellare solent, dividitur, Salæ fluvio injicitur, & sensim à flumine ad varia loca propellitur: reliquum ligni, carbonarii, *die Koblbreuner* / coacervant in sylvis, luto tegunt, & in carbones exurunt, ut fusioni metallorum, pharmaceutico usui & domestico inserviat. Hæc ligni copia tanta ac talis est, ut non solum Salfeldiæ, Rudolphopoli & Jenæ nostræ, largissimum cumulum suppetat; sed etiam Numburgum, veteribus Novemburgum, Leucopetra, Martisburgum atque Hala, præclaræ urbes, hac ligni abundante copia fruantur.

§. 9. Ex arboribus, quæ bene vi-  
rent,

rent, & pice tument, *pix* elicitur: cujus optimos grumos, formicæ sylvestres in terram deferunt, colliguntque in acervum. Hic picis cumulus, sæpius quatuor pedes sub terra latet, quem subterraneus calor ita fovet, ut in massam confluat, & volatiliores humidioresve particulas expellat: qui in frustra magna, ex profunda terra eruitur, à mulierculis rusticorum *pro thure venditur*, & *thus Thuringorum* appellatur.

§. 10. Mirabilis est AGRORUM fertilitas & frumentorum proventus, quamvis campi montibus, sylvis, vineis, vallibus & pratis interjecti sint. Imo in quibusdam montium radicibus & jugis, tales agri sunt, ut equi cum tauris vix arare possint. Non contemnenda est, in HORTIS oleorum, pomorum, pyrorum, ceraforum, prunorum, milii &c. largissima ubertas, & animalium, quæ ad cibos apta sunt, haud exiguus numerus: quibus fit, ut Jenæ rerum, quæ ad victum pertinent, pretia, multo minora sint, quam in aliis urbibus & Germaniæ Academiis.

§. 11. In VALLIBUS & PRATIS quadrupeda pascuntur & anseres. VI-

NEÆ uvas proferunt, ex quibus vinum fit, de quo in adjecta, *de Vino Jenensi* ad illustrem G. W. WEDELIUM Epistola, fusius agam.

§. 12. *Hæc agri nostri mira varietas, loci amœnitas dici meretur, quam SALA flumen & ceteri RIVI jucundiores reddunt. De amœnitate, quæ circa Jenam est, dudum Johannes Stigelius Lib. III. & V. Poematum cecinit:*

*Hinc, tua si piguit pridem bona nosse, futuro  
Tempora lata tuum prospice JENA decus.  
Valle jacens ima, per apricos vinea montes,  
Regna metens fausti nominis omen habes.  
Legit in hoc etiam Christus præsepe recessu,  
Unde sonet vero gloria vera Deo.  
Hos quoque lecta Deo est per amœnos vinea  
montes*

*Elusis uvam frugibus unde legat. &c.*

*Et in eodem libro, in Prosopopeia Volucrum de sylvis nostris:*

*Qui nemora hæc transis & culta vireta Viator,*

*Atque hæc herbose cana salicta soli.*

*Garritusque audis avium, linguasque sonoras,  
Et sparsum docto gutture dulce melos.*

*Con-*

*Contemplare animo, quid simus & unde volucres,*

*Hinc aliquid mentem quod juvet esse potest.  
Vivimus immunes curarum & nescia culpa.  
Turba pia volucres innocuumque genus &c.*

Ad collegam suum Lib. III. scribit:

*Per varias rupes, per tot ludibria venti  
Sperata, montis Victor in arce steti.  
Et gaudens patriæ thesauros cernere terra,  
Subjectas oculis sum licitatus opes.  
Thessalia miretur, miretur Itala Tempe  
Ebria pegaseis Musa Maronis aquis.  
Pax modo non desit, frugali candida vita  
Hic mihi, & hic Musis non aliena domus.  
Hic ego Pegaseas Christi servire Camænas:  
Hic faciam numeris astra sonare meis.  
Quod si etiam mecum mi Victorine fuisses.  
Jam poterat penitus JENA placere Tibi.*

Omitto aliorum Versus & Epigrammata consulto.

§. 13. Hæc de situ & natura agri Jenensis proferre volui, quamvis hoc caput, ad fossilia & minerale regnum minime pertinere arbitrentur alii. Cum vero fossilia & mineralia in agro lateant, de agro,



in quo reperiuntur, quædam dixisse, haud absurdum & inconueniens fore putavi.

## CAPUT. II.

DE

### SALUBRITATE AERIS JENENSIS.

§. I.

**C**UM hætenus quidam, de Salubritate Aëris nostri dubitauerint, causa fuit, cur in *hoc fossilium libro*, aërem Jenensem ab insalubritate vindicem. Quia vero ad institutum meum non pertinet, obiter & brevissime de aëre agam. Ut autem aëris nostri temperatissima salubritas evidentior probari possit, qualitates aëris noxii varias, & salubri nostro aëri contrarias, paucis recensebo, ita, ut ex contrariis juxta se positis, argumenti veritas clarior elucescat.

§. 2. *Humidum aërem* aquosis exhalationibus, crassioribus impurioribusque moleculis gravidum esse; aëris ætherem humi-

humiditate sua involvere, & quasi extinguere: crassioribus vero particulis gravio-rem atque noxio-rem reddere, verissimum est. Quibus fit, ut aëris elasticitas impedia- tur, cutis pori relaxentur, vapores noxii per apertos poros ac pulmones interiora penetrent, sanguini, lymphæ ac sero commisceantur: unde febres, gravedo, dyarrhœa serosa &c. &c.

§. 3. *Siccus* contra aër optimos cor- poris succos exsiccat, cutim corrugat, & respirationem difficilio-rem reddit &c. qui etiam multorum morborum causa est. Ita etiam *calidus nimis* aër humores in vehe- mentio-rem motum rapit, fluida sanguinis subtiliora ac optima, remanentibus crassi- oribus noxiis particulis, consumit, san- guinemque spissio-rem reddit: ex his viri- um prostratio & lassitudo summa, respi- ratio difficilis, inappetentia, sitis immo- dica, obstructions, inflammationes, putredo, gangræna, sphacelus & febres variæ &c.

§. 4. *Frigidus* vero Aër liquores cor- poris coagulat, à peripheria versus inte- riora repellit, poros obturat, insensibi- lem transpirationem impedit: unde ruf- ses,

ses , raucedo , catarrhi , perniones , obstructions &c.

*Subsistens & quietus aër* ad putredinem valdè proclivis , facile corrumpitur , & , quia motu necessario caret , magis magisque noxia colligit & retinet effluvia : quod virulentum ac pestiferum miasma , corpori nostro cum aëre se insinuat , & innumera mala suscitât.

§. 5. *Motus aër & temperatus* , qualis in agro jenensi est , vapores noxios & effluvia , quæ nos ambiunt , dissipat , calorem temperat , faciliori respirationi inservit , &c. , & sic sanitati optime convenit , illamque conservat. *Quod vero aër jenensis motus & temperatus sit , in sequentibus §. paullo fusius probabo.*

§. 6. In agro nostro montes præaltos & valles profundas esse , præcedens docuit caput. Constat quidem inter omnes , in profundioribus , & à montibus clausis vallibus , aërem multo graviores & corruptiores esse , quam in montibus & agris planis , partim ob longiorem à summo cœlo in vallem imam aëris conum , vel columnam majorem , quæ columna , quo longior , eo gravior est , partim ob humi-  
dita-

ditatem, frigus & motum aëris sublatum, quia ventis aditus non pater, ut effluvia putrida dispergant.

§. 7. Longe aliter autem sentiendum, de vallibus nostri agri, montium jugis haud clausis, sed apertis, ita, ut ventis transitus concedatur: quarum insignior illa, in qua celeberrimæ Academiæ Jenensis Sedes est, quæ versus quatuor mundi plagas, satis spatiosas aperturas habet, per quas venti urbem adspirant, nempe: *Eurus* ab oriente Sole, per campos *Zwetzen*ses, *Cuniz*enses, *Löbstädten*ses, *Perochenfeld* / prata *Löbstädten*sia &c. atque *Insulam*: *Zephrus* ab Occidente per varia montium spatia & vineas: *Boreas* s. *Aquilo* à Septentrione, per vallem sat amplam *das Mühl-Thal* / agros, ac hortos urbi proximè adjacentes: *Notus* denique à Meridie, per oppidorum *Lobdæ* & *Ca-læ*, pagorumque agros, ac paradisum majorem & minorem. His accedit, quod venti ad montes sæpius allidant, colligantur, & sic unita vi fortius urbem perflent.

§. 8. Hi venti singuli, vel obstantibus montibus impingentes, effluvia noxia opti-

optime dispergunt & secum rapiunt: quibus sublatis, aër purior atque salubrior fit; quem aëris motum, sensim atque sensim auget Sala fluvius: quod in sequenti III. Cap. §. 4. experimento quotidiano probabo, variaque effluvia ex aëre rapit atque propellit. Quid obstat, cum JO. SCHREYERO dixisse: *Aquam ventorum materiam esse.* Id quod experimento physico demonstrari posset evidentius. Jam patet ex præsuppositis & concessis §. 5. *temperatum & ventilatum aërem*, qualis jenensis est, §. 7 & 8, *respirationem faciliorem reddere, & sic per consequens phthysicorum pulmonibus perquam salubrem esse.* Ulterius inquirenti, eo perspectior adhuc erit aëris nostri salubritas, quo diligentior est in inquirendis aëris corrupti damnis & naturâ: quod non siccus sit nimis, neque humidus, frigidus aut calidus, de quibus supra.

§. 9. Hæc, cum jam ratione probata sint, provoco ad experientiam. Anno quidem MDLXXVIII, Jenensium Musarum Sedes ad Salfeldiam Urbem transferebatur, ob metum pestis circa Jenam grassantis: quæ pestis tamen, si veterum histo-



historiis fides habenda, Jenæ non sæviit, nec fuit. Mansisset hæc Salfeldiensium urbs, Chori Apollinei domicilium perpetuum, ob urbis amplitudinem regionisque amœnitatem, & quod aër etiam salubris esset; sed, cum quidam Studiosorum, in petulantiam inciderent, & male nominata verba in metallicos conjicerent, quorum tum temporis copiosior numerus Salfeldiæ erat, ut ferè DCCC numerarentur, metallici rapiebantur in furorem, ita, ut omnem occasionem, vindicandi injuriam, quærent: quibus factum est, ut Studiosi æque ac metallici, noctu gregatim per plateas armati incederent. Studiosi instructi gladiis erant, metallici contra securibus & malleis metallicis. Quoties Studiosorum numerus metallicos offendebat, gladiis & securibus ita se cædebant, ut semper vulnerati aut mortui in plateas procumberent. Cum itaque duos acerrimos hostes, in una eademque urbe, sine cæde & tumultu cohabitare, impossibile esset, Academiam in priorem urbem, Jenam puta, transferendi ratio cadebat in deliberationem: quæ translatio facta est anno sequenti 1579. die 9. Martii.

§. 10. Notatu dignum est, quod sua memoria accidisse, optimæ fidei, famæ ac eruditionis Viri, JO. GUILIELMUS BAIERUS, SS. *Theol. Doct.* & JOAN. JACOB. BAIERUS, *Philosoph. & Med. Doct.*, in *Academ. Altdorfsia Professores*, *Fratres germani*, *Rerum naturalium solertissimi Inquisitores*, *Fautores omni observantia colendi*, mihi retulerunt, pestem Apollædæ & circa totam Jenam, imo in pago Cluswiza, sæviisse; ad Jenam urbem vero non pervenisse. Et, quod maximum est, illustro GEORGIO WOLFGANGO WEDELIO, *Med. Doct. Consiliario Cæsareo*, *Jenensium Hippocrate*, & *Præceptore summe devenerando*, teste, ex locis peste infectis quidam adveniens, & peste laborans æger, clam per aliquot dies in urbe Jena commoratus est, nullo id sentiente, suspicante aut peste corrupto. Tantum obiter ad probandam aëris salubritatem,

# CAPUT III.

DE

## AQUIS MINERALIBUS MEDICAMENTOSIS ET CURIOSIS.

§. 1.

**A**B aëre salubri, ad Aquarum largam copiam, quâ Sapientissimus Naturæ Artifex, Deus, agrum nostrum egregie locupletavit, progressum facio.

§. 2. SALA fluvius, magnitudine conspicuus, in monte Pinifero, vulgo *Sichtel-Berg*/ oritur, & ex fonte exiguo promanat: qui, dum multas urbes & vicus præterlabitur, & ductu flexuoso profuit, varios amnes & torrentes absorbet, quales sunt:

*Wiesentharius* inter *Ziegenrüccam* & *Salburgum*:

*Selbiza* prope *Lobensteinium*:

*Loquiza* infra *Meichichtam*:

*Schwarza* inter *Salfeldiam* & *Rudolphopolin*, vulgo *Rudolphstadium*, ad pagum *Schwarza*:

*B*

*Arn-*

*Arula* vel *Orla* apud Orlamundam  
oppidum:

*Roda* prope Rotensteinium:

*Leutra* vel *Leitra* in suburbio Jenensi:

*Gembda* haud procul à pago *Wenig-  
nigen*, *Jena*:

*Ilma* infra Camburgum apud He-  
ringam:

*Gysella* & *Clia* Martisburgi:

*Salza* Saltzmündæ:

*Schleiniza* Frideburgi:

quibus absorptis fit, ut *Sala*, quo longius  
volvitur, eo major & profundior fiat, ut  
non solum piscatorum lintres, trabes ad  
construenda ædificia, *Floß*, *Bau*, *Hölzer*/  
(quod in Cap. I. §. 8. fufius commemoravi)  
& afferes; sed etiam naves minores vehat,  
quibus Halæ Magdeburg. Sal, ibi coctum,  
& emptum in diffita loca portatur.

§. 3. Flumen hoc, agrum nostrum  
per medium dividit, & fluxu haud cele-  
riori progreditur: ante loca vero, in qui-  
bus ad colligendam augendamque aquam,  
obstacula quædam posita sunt, vulgo *das  
Weehr* / ut molendinas majori vi atque  
impetu moveat, tanta incredibili levitate  
fluit,

fluit, ut oculis vix judicari possit. Hic fluvius inter pratum amœnum, das kleine Paradies! & locum spatiosum, die Land-Beste / in duo brachia dividitur: quorum unum recta via, versus pagos Cambsdorff & Wenigen-Jena / profluit; cui brachio longus faxeus pons impositus est, qui pagum Cambsdorff & Jenam conjungit: alterum vero, suburbium Jenense transit, molas versat, Leutram amnem, ex urbe fluentem, recipit, & è regione pagi Wenigen-Jena cum priori brachio jungitur. Illud spatium, quod duobus fluvii ramis inclusum est, Insula, die Insel / appellatur.

§. 4. Non procul à Numburgo urbe, (Veteribus Novemburgum & Neuemburg dictum.) Sala in gyrum flexuosum & tortuosum ducitur, ita, ut ad ripas valde allidat, aëremque vehementer commoveat, & secum rapiat, inque gyrum verset: quibus fit, ut nimbi, imprimis pluviales nubes majores, si supra hunc gyrum veniunt, rumpantur, inque Salam & agros decendant. Hic Salæ locus, ob vim tempestates disrumpendi, die Wetter-Scheid nominatur, & urbs, die Naum-



**Naumburg an der Wetter-Scheid :** quam aëris commoti vim, ab aquæ tortuoso fluxu, & ad ripas vehementiori allifu, ortam, ignorâsse videtur GROITSCHIUS, quando in libro *de Salæ fluvii descriptione*, MIRAM NATURAM appellat.

§. 5. Hujus fluvii inæstimabile commodum, quotannis in accolas redundat, dum non solum aërem puriorem reddit, molendinas, molas ferrarias, metallicas **Puch-Wercke** / conflatorias **Schmelz-Hütten** / officinas Smaldi **Blau-Sarben-Wercke** / pulveris pyrii **Pulver-Mühlen** / fullonicas, politorias, &c. versat, & officinis, ad hunc fluvium positis, Aluminatoriis, Vitriolicis, tinctoriis &c. magnum commodum affert, multaue onera vehit, prata & pascua irrigat; sed etiam numerosos pisces alit, nempe:

**Salmones**; quos olim eximiae magnitudinis, circa Salsfeldiam piscatores piscati sunt.

**Coracinos**:

**Lucios**: quales XVIII. ad XX. pond. ceperunt. Lucium vero XXV. pond.

*Mei-*

*Meichichtæ* non procul à Salfeldia captum esse, testantur veterum Scripta, imprimis *Sylvester à Lieben in Manuscripto suo*, cujus nomen *Salfeldographia*.

*Mullos*:

*Gobiones*:

*Carpiones*: quorum nonnulli capiuntur, qui ova & lactes simul gerunt:

*Fruttas*:

*Turdos*, sive *Gobiones fluviatiles*. Horum piscium abundans copia in Sala occurrit, imprimis vero Salfeldiæ, quæ talis ac tanta est, ut in varia loca vehatur.

*Cobites barbatus*, vulgo *Schmerle*:

*Cobites aculeatus*, vulgo *Stein-Beiß*:

*Thymallos*:

*Bdellas*, apud Salfeldiam, fluvium ubique occupantes:

*Fundulos*:

*Percas*:

*Rubellos*, vel *Rubiculas*:

*Merulas lacustres*:

*Alburnos*:

*Mustelas* sive *Murenas*, vulgo *Naltrau* pen/ quamvis rarissime: quæ non

procul à Salfeldia, sub petra quadam *Oberniziae* MDCXXI fuere deprehensa.

*Anguillas* : de quibus memorabile est, quod mihi piscatores, rustici, metallici ac cives Salfeldenfes narrârunt, quod cum lutra in hoc flumine, inter pagum *Obernizam* & *Weischwitzam* coitum celebrent: quod, an verissimum, & quomodo fiat? hætenus observare non potui.

§. 6. Sala in Salfeldensi regione, præjensenfi aliisque, multo majori piscium copia scatet, & pisces jam commemoratos, magno cum fœnore piscatoribus præbet: quare, pace B. Lectoris, paululum extra limites vagari liceat. *Propter hanc piscium, in Salfeldensi regione abundantem copiam, illos duos pisces, quos celebris Salfeldia urbs, in insigniis suis ostendit, in insignia positos esse, conjicio.* Quam opinionem confirmare videtur statua lapidea, à majoribus in murum Templi Salfeldensis posita: quæ virum, pileum manu tenentem, altera vero manu piscem, referebat. Postquam vero tot secula aëris tempestatumque injuriis exposita steterat, jam ex

muro in cœmiterium decidit atque fracta est.

§. 7. Hanc statuam lapideam, piscatoris, piscem cum deposito pileo tenentis ac offerentis, imaginem repræsentasse, probabiliter conjicio (1.) quia piscatoribus à multis seculis, à Senatu Salfeldensi, in Sala flumine certi piscandi fines positi sunt: quorum primus est, ad pagum *Tauschwitz* infra *Caulsdorfium*, ubi figura crucis petrae incisa conspicitur: alter autem finis, prope pagum *Schwarza* / ubi ingens lapis in flumine erectus est. (2.) quia singulis annis, (quod adhuc etiam fit) statuto tempore, nempe die Lunæ post Dominicam Latare, coram Senatu veniebant, & juramento (vulgo corporale dictum) fidelitatem & obedientiam promittebant. *Fidelitatem*, quod alios non juratos piscatores, ad piscandum admittere nolint, quodque pisces non aliò, nec carius vendere velint. *Obedientiam*, quod Senatui, quoties huic lubitum fuerit piscari, omnes pisces Salfeldiæ in forum piscatorium, auf die *Fisch-Bäncke* / venales proferre, & secundum illud pretium, quod à Senatu præscriptum erat, vendere velint.

lint. Alii contra hanc statutam, viri cujusdam, una manu pileum in Vogtlandiam, altera vero halecem in Thuringiam, projicientis effigiem esse, credunt. Sed cum fines in urbe non sint, neque prope eam, halecis & pilei jactus nimis longus foret. Hæc hæctenus ex antiquitate obiter.

§. 8. Præter piscium abundantem copiam, fluvius hic æque ac Schwarza amnis, *Aurum* vehit, de quo suo loco agam. Accolarum ex hoc flumine comoda, cum tanta atque talia sint, non levia etiam damna, quotannis hujus fluminis facilis exundatio, agris inferre solet: quæ inundationes tales fuere, ut pontes, & domos huic flumini proximas everlerint, confer *Rivaudri Chron. Thuring.* & M. *Adrian Beiers Geograph. Jenensis*, aliique libri. Prætereo quod sæpissime homines incauti, in hanc aquam præcipitentur.

§. 9. Omitto reliqua, quæ de Sala commemorari possent, v. gr. *Quod Drusus Romanorum Dux, ad Salam occisus sit.* de quo conferatur *Strabo*, & *Conradus Celtes*, de situ & moribus Germanorum, qui hanc cladem sequenti versu complectitur:



*Et Sala qui Drusi gestat præclara tro-  
phæa.*

Sic etiam consulto negligo reliquos versus,  
& allusiones variorum autorum: qualem  
apud *Winstrupium Lib. III. Epigr. p. 336.*  
legere mihi contigit, & sequens est:

*Extra Jenam Sala: Intra Jenam Salus,  
Sala Salam fluit extra Jenam nocte dieque:  
Est intra Jenam nocte dieque Salus.*

*Sunt Jenæ multi juvenes, qui nocte dieque  
Potant, & dicunt, sæpe bibendo, Salus.*

cum ad Historiam Naturalem minime per-  
tinere existimem, & in variis libris oc-  
currant.

§. IO. SCHWARZA amnis non  
procul à Scheibe & vico Stein-Heide  
profluit, Arcem Schwarzeburgicam alluit,  
inter Salfeldiam & Rudolphopolin ad pa-  
gum Schwarza, Salam influit. Hic  
amnis non tam limpidam & perlucidam  
aquam vehit, quam Sala; sed multo ni-  
griorem, quare Schwarza vel Schwarze/  
quod Germanis nigrum est, appellatur.

§. II. Commoda hujus amnis sunt,  
ut verset molendinas, pascuis & pratis  
largam aquam suppedite, pisces nutriat &c.

Præter hæc commoda, multum auri vehit, & Sala flumine multo copiosius, ita quidem, ut plurimi hominum, aurum illud, quod in Sala reperitur, ex Schwarza cum aquis in Salam delatum esse, putent. Cui opinioni, sententiam meam subscribere non possum, quia in Sala, supra Schwarzæ in Salam influxum, aurum inveni, quamvis multo parcius. Quid de auro hoc dicendum, in *Capite de Metallis* proferam.

§. 12. ORLA *rivus*, die Orle / prope Orlamundam in Salam labitur, paucos pisces alit, & parum ochræ vehit. RODA *amnis*, Rodam, urbem minorem per medium dividens, molas malleorum ferrariorum versat, demumque apud Roßenstein Salam influit. De his non habeo, ut multa dicam: quare eos prætereo.

§. 13. LEUTRA *rivus*, incolis die Leuter vel Leiter / ex duobus fontibus, nempe, ex *Fonte Mali Bonique ominis*, vulgo der Hunger-Born / & altero der Nasen-Born / in valle Mühl-Thal oritur. Hic amnis, ex hac valle profluens, molam papyrariam & reliquas molas versat, inque duo brachia diuiditur: quorum

*rum minus & rectum* versus *Potter-  
Born* / vulgo *D. Luther-Born* / profluit,  
portamque minorem, vulgo *das Pfört-  
gen hinter dem Gelben Engel* / *præterla-  
bitur*, & deinde *Salæ* fluvio commiscetur:  
*sinistrum ac majus* contra brachium, ur-  
bem *Jenam*, & in illa plateas, *die Johan-  
nes-Leuter & Saal-Gasse* / transit, &  
in Suburbio vor dem *Saal-Thor* / cum  
*Salæ* ramo sinistro jungitur.

§. 14. Platea *St. Johannis*, quam  
hæc aqua primum influit, cum acclivior  
sit cæteris plateis, ex ea facillimo negotio,  
aqua in omnes plateas & forum duci pot-  
est, ut stercore & fordes glaciemque, per  
hyemem in plateis congelatam, inque  
frusta cæsam, secum in *Salam* rapiat; aut,  
si incendia orta sunt, ut extinguentibus  
largam aquæ copiam suppeditet.

§. 15. Exundatio hujus aquæ crebri-  
or est, quia nubium rupturæ, à montibus  
factæ, sæpius hunc rivum influunt, qua-  
rum aquæ, *Leutram* mirum in modum au-  
gent, conferatur *Cap. I. §. 6.* item *M. Adria-  
an Beiers* / *Geographus Jenensis pag.*  
*m. 131. &c. ciccxciii. die xxix. Maji,*  
*Aquæ INUNDATIONIS VINARIEN-*  
*SIS,*

SIS, vulgo die *Benmarische Sündfluth* / in nostram leutram fluxere, non sine maximis Jenensium damnis, vide *Beierum* l. c, & alios historicos.

§. 16. Explicabo obiter puellarum, de hac aqua, vim occultam & superstitiosam. Puellæ, primo Festi Paschatis die, ante solis ortum, urceo aquam ex hoc rivo, & quidem contra fluxum, hauriunt, haustamque diligentissime servant: cui aquæ id tribuunt, quod per totum anni spatium, putredini atque corruptioni non obnoxia sit, faciem formosiores reddat, & sponsi futuri imaginem puellis repræsentet, tanquam in speculo. Quamvis non concedam, quod hæc aqua mineralibus particulis ita imbuta sit, ut corruptionem totius anni spatio impediat. Is tamen non sum, qui neget, aquam hanc in primo veris tempore haustam (non solum Paschatis die ante solis ortum, quod puellæ putant) majori particularum mineralium copia imprægnatam esse, quam in æstate & autumno: quia glacies, aquæ ex subterraneis ductibus effluxum multum impedit, & nix, montes terramque tegens, minerales exhalationes non parum intercipit ac sup-

supprimit: quibus fit, ut minerales vires, in aqua per hyemem copiosiores colligantur, quam in æstate (quia in æstate terræ pori, ejusque ductus aperti sunt) sic sordes faciei melius abstergat & aliquatenus putredini resistat. Num vero sponforum faciem, hæc aqua in urceo referat aut exprimat? aliorum sit judicium.

§. 17. GEMBDA rivus, prope pagum Wenigen-Jena/ in Salam labitur. Vis medica & mineralis, quæ in hoc rivo est, tanta deprehenditur, ut *omnes scabie laborantes*, si in hac aqua nudos se laverint, *virtute sua medica tutissime* sanet. Hujus etiam meminit sæpius laudatus M. Adrian Beier in *Geographo Jenensi*, pag. 440. Experimenta vero certissima, Viri præclari JO. GUILIELM. BAIERUS, SS. Theolog. D. & JO. JACOB. BAIERUS, Phil. & Med. D, Professores Altdorffini, supra laudati, mihi commemorârunt. Hanc aquam, agri Jenensis incolis, in curanda scabie, commendo, quæ etiam in vere multo efficacior est, quam in autumno, ex rationibus, de Leuttræ viribus, dictis, quod quilibet scabiosus.



sus, sine sumptibus & vitæ periculo experiri poterit. Præterea muscum, longo tempore, topko obducit, de quo suo loco.

§. 18. FONS PRINCIPIS, vulgo *der Fürsten-Brunne*/ non procul à pago *Wöllnitz* ad collem *Hayn* est, & varia nomina habet, nempe: *der Peinickens-Born*/ *der Hayn-Born*/ *der Wöllnitzer-Born*. Animus non est, hæc varia nomina inquirendi, sed, cum à *potiori semper fiat denominatio*, & *Principis* nomen usitatissima appellatio sit, eam retineo, rejectis reliquis.

§. 19. Cur vero hic fons *Principis* nomine ornatus sit, id causa est, quia *JO. FRIDERICUS, Saxoniae Elector*, in venatione apud hunc fontem commoratus est, quam ob rationem *Jo. Stigelius Lib. V. Poëmatum*, in hunc fontem hos versus cecinit:

*Fontis ad hujus aquam frigus captabat opacum*

*Saxoniae Elector, Mystique Christe tuus.*

*Tu fons justitiæ vere fons vive salutis,*

*Saxoniae salvos Christe tuere Duces.*

& idem Poëta de hoc fonte & ejus regione, in eodem *Libro* canit:

*Fons*

*Fons exiens amœno vallis angulo,  
 Umbras meo gratas ministro Principi,  
 Lymphæque garrientis opacum gelu.  
 Venator huc sylvis reversus arduis,  
 Cum vitat æstum & auram captat mobilem.  
 At ille mi nomen relinquit inclytum  
 Hospes meus, Deum colit qui firminus,  
 Quàm fontis ulla urget Lymphas perenni-  
 tas.  
 Da Principi pacem Deus, da civibus,  
 Ut illo ad fontem prælucente sit via  
 In sempiternam unde exilit vitam liquor.*

§. 20. Hic fons omnia injecta corpo-  
 ra, ligna, lapides, conchilia, plantas &c.  
 copio suo sensim obducit, & denique post  
 multa tempora in lapides mutat. Mo-  
 dum incrustandi & tandem petrifican-  
 di, qui in hujus generis aquis obser-  
 vatur, sat scite explicavit *Vir clarissimus*  
**JO. JACOBUS BAIERUS**, sæpius lau-  
 datus, Fautor, & cum Altdorfii commo-  
 norarer Hospes, studiorumque meorum cu-  
 riosorum Promotor, multum colendus, in  
*Dryctographia sua Norica* p. 49. 50. & 51,  
 ad quam curiosum Lectorem remitto.

§. 21. FONS LAUTER-BORN/  
 vel Lotter-Born / vulgo D. Luther-  
 Born / ante portam minorem, vulgo  
 das Pfortgen hinter dem Gelben Engel/  
 situs est, qui, nomina Lauter-Born / cor-  
 rupte Lotter-Born / à pelluciditate atque  
 puritate, Leuter-Born à Leutra præterla-  
 bente, habet. Minus recte vero D. Luthero  
 Born appellari vult M. Adrian Beier  
 loco citato; quod etiam versus docent. Hic  
 fons claram effundit aquam, dulcem atque  
 salubrem, & olim à civibus magni æstimaba-  
 tur. Jam vero rarissime purgatur, cum ta-  
 men fontis antiquitas, & aquæ salubritas,  
 purgationem maxime mereantur. Versus  
 lapidi insculpti, jam vero à longa ætate, quæ  
 omnia corrodit, extincti, sequentes sunt:

*Limpidus hic scatet & gelidis pellucidus  
 undis,*

*Fons, sua cui bonitas nomen habere dedit.  
 Purus enim tenuem, quæ nulla salubrior,  
 undam*

*Alnorum viridi tegmine septus, agit.  
 Vinitor hanc, Civisque frequens bibit ur-  
 bis Jenæ,*

*Confectus morbis hanc sitit æger aquam.*

A. O. R. .CICIDLXXVIII.

quos

quos versus ab *Andr. Ellingero, Med. Doctore & Professore Jenensi*, compositos esse, *M. Adrian Beier l.c.* putat.

§. 22. FONS MALI BONIQUE OMINIS, vulgo der **HUNGERBRUNN**/ in valle **Mühlthal** oritur, inque Leutram profluit. De hoc fonte conferatur *Summe Reverendi JO. GUILIEMI BAIERI, Theologi, Philosophi, Mathematici & Rerum Naturalium Inquisitoris, optime meriti, acutissimi, ac felicissimi, Fautoris plurimum devenerandi. Dissertatio de Fontibus annonæ difficultatem portendentibus, vulgo Hungerbrunnen | Altdorfi Noric. 1709. pag. 7. 8.*

§. 4. Cum vero hæc Dissertatio non in omnium manibus sit, ejus verba huc transferam: *Ad Jenam Thuringiæ, inquit, valis est versus occidentem solem, à frequentibus, quas continet, molis nomen ferens, (das Mühlthal) ceterum præruptis ab utroque latere montibus cincta. Hæc etsi nunquam aquis deficit, quæ molarum oppidique serviant usibus, (nam & rivum perennem & fontanas per canales aquas ministrat) tamen aliquando peculiare ex imis montibus aquarum venas ducit, quas*

*sæpius contemplati sumus siccas, nunquam autem manantes observare licet, nisi cum vel caritas frugum imminet, vel insolitos nimbos subito dehiscens nubes effuderit, quod aliquoties in ea valle nostra memoria contigit. Meminit hujus rei quoque diligentissimus M. Adrianus Beierus in Geogr. Jenens. Cap. XXIV. p. 391. sed prælagium caritatis non tam in fluxu, quam ariditate fontis ponit. Der Hunger-Born (ait) im Mühl-Thal wird von denen gemeinen Leuten also genennet/ weil er unterschiedlich ausfleust/ bald starck bald schwach / und bedeutet bald ein fruchtbares Jahr und wolfeile Zeit/ mit seinem starcken / bald aber ein Miß-Jahr und theure Zeit/ mit seinem schwarzen Ausfluß/ oder gänzlichen Abgang. Quæ descriptio uti famæ popularis constantiam satis adstruit, ita facile nos inducit, ut credamus, confudisse auctorem fontes fatidicos cum fonticulo alio in eadem valle continue extante, quem istiusmodi mutationes subire novimus, pro anni temporum varietate, sed sine ullo, quod homines inde capiant, omine. Ipsi sane fontes famelicosi, nobis ab incolis rerum peri-*



*tis monstrati, plane non fluunt, præterquam in casibus illis, quos diximus. In hac docte atque concinne elaborata dissertatione, plures alii, hujus generis, fontes, ex diversis mundi regionibus recensentur, earumque causæ inquiruntur.*

§. 23. Prætereo alios NOVOS FONTES, qui aliquando aquam largissimam fundunt, & post aliquot dies, septimanas aut menses exarescunt. Talis *novi fontis* mentionem facit supra laudatus JOH. GUILIELM. BAIERUS in Dissertatione, *De Fontibus annonæ difficultatem portendentibus*, vulgo *Hunger-Brunnen* / ubi *Cap. II. §. 4. pag. 13. inquit. Vidimus nos Anno 1698. prope Jenam Thuringiæ, fontem novum, post pluvias diuturnas è radicibus montis vitiferi magno impetu scaturientem, & quidem interjectis jam tum pluribus diebus serenis. Fluxit inde per duas circiter septimanas, & effusa aquarum, quas continebat, vi haud modica, rursus exaruit.* Hujus generis fontes, plerumque hyemem nivofam & ver pluviosum sequuntur, & propter nimiam humiditatem agrorum, annos humidos atque

steriles vulgo nasse und unfruchtbare Jahre indicant. Hoc clarissime explicat idem Baierus loco citato, cujus verba huc transferam: Neque vero (inquit) etiam morari nos debet, quod forte aliquando sub initium veris aut æstatis non admodum humidae, prorumpant & annonæ penuriam indicent hujusmodi fontes. Si enim saltem hyems ultra modum nivosa vel pluviosa præcesserit, facile jam tunc & sufficiens his fontibus unda colligi potuit, & segetes adeo corrumpi, ut incassum abeant veris & æstatis beneficia. Similis responsio dabitur, si quæras, cur nonnunquam post pluvias demum, inque media serenitate, prodeant isti sterilitatis nuncii; quæ res maxime suspensos tenere solet homines plebejos. Nempe sicut æstus solaris penes nos non tam vim suam exerit tempore solstitii, cum sol est altissimus diesque longissima, quam postea, cum tellus diuturnâ radiorum vibratione jam satis incaluit: ita fontes illi novi haud prius erumpunt, quam aquis sibi debitis non modo in terram effusis, sed & ex tot venulis intra unam cavernam congestis, ac denuo istas loci angustias eluctatis, quæ profecto non  
exi-

*exiguum temporis spatium deprecantur. Ha-*  
*ctenus Clarissimus Baierus.*

§. 24. De Fontibus Hunger Brun-  
 nen/ aut novis, sentiendum, quod natu-  
 rales suas causas habeant: non vero mira-  
 cula Dei singularia sint, quod haectenus  
 multi Rerum Naturalium ignari statuere,  
 & adhuc credunt. Superstitiosum etiam  
 est, dixisse, tales fontes, bella intestina,  
 magnatum mortes, pestem, aut aliud ma-  
 lum praesagire. Superstitiosum exemplum  
 & fraudis haud vacuum, narrat Albinus  
 in der Meissnischen Berg Chron. pag.  
 79, de fonte quodam, ad oppidum Mis-  
 nia Lomnitzsch/ quod glandes, triticum  
 & avenam protulerit, si fertilis annus fu-  
 turus fuerit; si vero bella, sanguinem &  
 cineres. Quae vero superstitio atque frau-  
 des cessarunt, postquam HENRICUS Im-  
 perator, accolae ad Christianam religio-  
 nem duxerat. Et quamvis tale quid eve-  
 niat, tamen naturalis causa adesse potest:  
 quale exemplum Susati, in Guesstphalia  
 nostra, videmus, ubi singulis annis, LA-  
 CUS quidam in urbe, vulgo der ROLLER/  
 in ultima aestate, vel primo autumno pla-  
 ne deficit, in hyeme nivosa, aut vere plu-

vioso redit, & cum aqua *glandes, folia quercus, alni, fagi &c.* aliquando adfert. De hoc Lacu relatum habeo, quod cum *Fluvio die Meune* (qui 2 milliaria ferè ab urbe, per sylvam fluit:) exarescat, & redeat: ubi facile fieri potest, ut glandes & varia folia, ab arboribus dejecta, secum rapiat, inque urbem nostram, per occultos subterraneos ductus, vehat.

§. 25. Mirabilis est FONS der Tiefse Brunne / qui inter Dornburgum & Camburgum in via, qua itur ad Numburgum, ad sinistram, in conspectum venit. Hic fons ex alto monte, quem Sala fluvius alluit, aquam fundit largissimam. Hunc fontem, cum Sala connexionem quandam habere conjicio, quia tam alte profundus est, ut ad Salam maxime, si non infra eum, abeat. Num vero aqua ex imo fundo (quem nonnulli profundissimos subterraneos ductus penitus intrare putant) in altum affurgat? an in superiori montis parte scaturigo sit, qui per occultos ductus huic fonti aquam largiatur? nondum observare potui.

§. 26. Anilis fabula de hujus fontis origine narratur, quæ sequens est, nempe:  
Quod

Quod duo Fratres Nobiles, qui in hac regione degerunt, ingenti mercurii vivi copia ac pondere, tale profundum & amplum foramen fecerint, ex quo tandem hic fons ortus fit. Sed cum Mercurius vivus multo carior, rarior atque pretiosior sit, ut tanta copia ematur inque terram fundatur, & lapides minime perforet atque penetret, hæc traditio facile concidit. Crediderim potius, à pyrii pulveris dispiensione & vi (si tum temporis hic pulvis cognitus fuit?) has petras disruptas, aut indefesso hominum labore, malleorum cuneorumque vi & acie, perforatas esse, ut arci, quæ foras hic stetit, aquam largiatur. Tales fontes in altissimis magnarum arcibus reperiuntur, quos hic non recensebo. Sed cum etiam in altissimis montibus, lacus & fontes observentur, qui tales sunt, ut à nemine hominum; sed à naturâ talia foramina facta esse, pronuncies, fontes naturales merito appellantur; non repugnabo illorum sententiæ, quæ hunc fontem, naturalem ortum habere putat; sed illam potius comprobo. Fontes enim naturales aquâ scatent, illi



vero, qui hominum labore facti sunt, in profunditate aquas habent.

§. 27. Nolo hic recensere, quot sint **FONTES IN URBE JENA EJUSQUE SUBURBIO**, ne nimis prolixior sim. Illud autem in genere de his dicam, quod horum fontium aquæ, aliquid calcis & gypsi secum vehant, quod, si aqua per noctem in vase steterit, aut in ahenis coquatur, calx atque gypsum in fundum præcipitur. Hæc de aquis nostris.

§. 28. Possent etiam ad agrum nostrum illi **TRES FONTES SALUBRES**, vulgo **GESUND-BRUNNEN**/ qui in Ducatu Vinariensi, prope pagum **Rasten-Berg**/ in præterito seculo detecti sunt. Sed cum de his peculiaris Tractatus in lucem prodierit, & à paucis frequententur, illos prætereo. Inscriptio autem hujus libelli hæc est: **Die in einem Triangel nahe bey einander liegende Gesund-Brunnen bey Rasten-Berg/ im Fürstenthum Weimar. Weimar 1697. 4.** ad quem tractatum curiosum lectorem remitto. Huc etiam obiter saltim refero **LACUM CYGNEUM** den **SCHWANEN-SEE**/ qui ad pagum **Sümmern** non pro-

procul à monte Eckardsbergo est, de quo  
lacu Brun. Seidelius cecinit: confer: M.  
Steph. Ritteri Cosmographia Prosometrica  
lib. V. Potamographiæ pag. m. 1075.

Progressi paucis ex illa passibus ora,  
Qua jacet in pingui parva Somera solo,  
Vidimus inde lacum, cui fecit nomina cy-  
gnus,  
Is latas multo gurgite volvit aquas.  
Hunc fulicæ longo complebant agmine  
furvæ,  
Non Hyblam major copia versat apum.  
Nec tam densato procedunt ordine, quando  
Formicæ blandos depopulantur agros.  
Injicimus aliquot lapides de margine le-  
ctos,  
Semper apud ripas nam lapis esse solet.  
Aufugit extemplo fulicarum territa turba,  
Ac tanto per aquas insonat alta sono.  
Non secus ac multæ currant super æquora  
puppæ,  
Aut de præcipiti flumina rupe cadant.

Præter fulicas, copiosi pisces in hoc amplo  
lacu reperiuntur.

§. 29. Præterea consulto alios, in vicinia agri nostri, lacus, cum ad agrum nostrum non pertineant; sed propter curiosos Historiæ Naturalis Inquisitores, saltem horum mentionem facio, nempe CRA-TERIS THURINGIÆ, de quo *Agricola de Natura eorum quæ effluunt ex terra Lib. III. Cap. 2.* ait: *Aliquæ contra in se injectum absorbent: ut Crater in Thuringia Tundorfi, qui pagus ad octavum lapidem distat ab Erphurdo.* & idem Autor loco citato *Cap. 3.* *Alii modo intumescunt, modo resident: ut Crater Thuringiæ, de quo supra dixi, cumque eo lacum, qui est ad radicem montis, & crescere & decrescere ajunt.* LACUS DENSTADIENSIS, qui prope Dänstât vel Tânstât est, de quo *Agricola de nat. eorum quæ effluunt ex terra Lib. IV. Cap. 22.* egit. LACUS SALSI, der salzhigen See / qui inter Srapelam & Seburgum est, de quo *conf. Agric. loc. cit. Lib. I.* & LACUS DULCIS, vulgo der süsse See / huic proximi, de quo etiam *Agricola loc. citat.* Omitto amnes & torrentes, extra agrum nostrum, Salam influentes, quos pag. 17. & 18. enumeravi.

## CAPUT IV.

DE

## TERRIS MEDICIS ET MECHANICIS.

## §. I.

**Q**Uamvis Cap. I. §. 3. de terra ejusque varietate dixerim, oportu-  
num tamen fore existimo, terra-  
rum Mechanicarum & Medicarum in spe-  
cie meminisse. Cum vero harum non  
adeo magnus numerus, & varietates diver-  
sæ, in agro nostro reperiantur, ex Thuringia, in qua ager noster est, paucas terras huc retulisse placebit: & quidem illas, quæ Veteribus cognitæ fuere, v.gr. *Agricolæ, Kentmanno, Albino & Encelio*. Quod quidem eam ob causam, non solum in hoc capite, sed etiam in sequentibus, facere constitui, quia hunc tractatum *Historiæ Naturalis Thuringiæ*, imprimis tamen *Rei Metallicæ Salfeldensis*, (& forte *Schwartzburgensis*), *Historiæ Prodromum* esse volui.

§. 2. ARGILLA inter terras Mechanicas, primum locum sibi vindicat, cujus aptissima definitio apud Excellentissimum  
JO.

JO. JAC. BAIERUM, in *Oryktographia* Cap. III. pag. 12. legitur: Variæ *Argillæ* species ex agro nostro eruuntur, imprimis vero colore diversæ, v. gr.

*Argilla alba*, quæ passim in figulorum fodinis occurrit,

*Argilla colore cinereo*, ibidem,

*Argilla cœrulea* paulo rarior,

*Argilla rubra & purpurea*,

*Argilla flava*, cum aliis varietatibus in fossis figulorum conspiciuntur, ubi Strata coloribus inter se distincta, jucundo spectaculo observantur. Has colorum varietates omnes, in fodina argillacea, in suburbio Jenensi, ante portam St. Johannis, vidi, cum Summe Reverendus DANZIVS, SS. Theot. Doctor & Professor; olimque Orientalium Linguarum optimus interpres, ædem in horto suo suburbano exstrui curaret. Non minus aliquando in aliis fossis, diversi colores, tanquam strata occurrunt.

§. 3. Optima species est, quæ *figulina* dicitur, & colore *cinereo*, *albo* & *rubro* tincta, inque variis agri nostri locis, è terra eruitur. Formantur ex hac argilla non-



non solum *ollæ*, diversæ capacitatis, *patinæ*, variæ magnitudinis & *orbes* &c. sed etiam *fornaces*, ad calefacienda conclavia, quæ fornaces *Rachel*, *Ofen* nominantur. Impurior vero argilla cum arena mixta, laterum coctorum materia est, ex qua in suburbio *hinter dem Fürsten Keller*/ aliisque in locis, lateres & tegulæ coquuntur. Medicorum usus, absorbendi & exsiccandi, non tam frequens est.

§. 4. **BOLUS RUBRA**, in agro nostro nondum reperta est, quantum scio. Interim tamen ex vicinia huc referam *Medullam Rochlicensem rubram*, mollem, *saxorum*, quæ homines magno cum fructu, loco *Boli armenæ*, utuntur, vid. *Kentm. Nomencl. fol. 6. n. 10.*

§. 5. **RUBRICA FABRILIS** ad pagum *Rotensteinium*, in terra deprehenditur, & in ripa amnis *Rodæ*, &c. Non procul à mola ista, in qua *Smaldum* paratur, vulgo *die blaue Farben-Mühle*/ quæ dimidiam horam ab urbe *Salfeldia* est, *Rubrica fabrilis fusca* ex monte *Rotenbergo* eruitur, quæ ab incolis & accolis *brauner Rötelsstein* & *braune Kreide* appellatur; de qua alia occasione fusius. Por-

ro in Thuringia ad pagum Leubingam *Rubrica fabrilis pura & fluida* effoditur, referente *Kentmanno loc. cit.* Huc pertinet curiosa *Encelii* observatio, de *Re Metallica Lib. II. pag. 134.* in qua narrat, quod ad torrentem *Garmersdorfensem*, Ochra in rubricam mutetur. Rubricæ fabрили ad-jicio terram lapidosam rubeam *Rochlicensem*, cum qua ipsa marga exscinditur. *Kentman. Nomenclat. fol. 2. n. 30.* item in *Vogtlandia conf. Albini Meißnische Berg-Chronica pag. 176*, quæ partim dura, partim fluida existit. Pictoribus & fabris lignariis, in ducendis lineis usui est. Virtutes vero medicæ variæ sunt, quas omnes recensere, nimis diffusum atque prolixum foret: illud tamen brevi dicendum, quod hæmatiti multum conveniat.

§. 6. OCHRA, ad Jenam urbem invenitur, & quidem in *Geode*, & ad *Salæ ripam*: non solum ad *Salam nostrum*; sed etiam extra agrum nostrum, ad *Albim in Misnia*. De Ochra, in rubricam immutatione, in præcedente §. dixi. Præter usum pictorium in pingendis illuminandisque tabulis, hæc terra paululum corrodit & simul exsiccat: quare ad tollendos pannos,

& luxuriantes carnum excrescentias, optime adhibetur.

§. 7. CRETA, quamvis apud nos non reperiatur: haud absurdum tamen fore existimo, obiter *Cretam nigram minimis pnigitidis atomis mixtam, gustu Salis & Calcanthi, quæ effosa est supra Salfeldiam Thuringiæ urbem, qua utuntur in tingendis ædificiorum trabibus, Valer. Cord. in Var. Observat. sylva fol. 220. huc retulisse. Persuasus sum, quod hæc Valerii Cordi Creta nigra, sit Encelii Pnigitis, & vulgo Metallicorum vocabulo schwarze Kreide indicatur, de qua Encelius de Re Metallica Lib. II. p. 116. dicit: Pnigitis in patria mea dulcissima, in torrente Garmersdorfensi, qui labitur per agros petens Salam, reperitur lapis niger, friabilis, unde pueri atramentum componunt, & ipse puer inde composui: is mihi videtur omnino esse pnigitis indurata calore, ingentis nonnunquam magnitudinis, ac levis proportionem. Huic adjicio Cretam cœruleam, quæ effosa est in Thuringia prope oppidum Mogellam, qua fabri in pingendis parietibus utuntur, Dorringsche Kreide | Kent-*  
mann

*mann fol. 7. n. 7. de his in historia ipsa  
fufius.*

§. 8. MEDULLA SAXORUM  
paffim in rimis & fiffuris petrarum, lapidumque majorum reperitur: quæ pulvis instar *fluida* est, vel etiam *spiffioris* confiftentiæ, ut aliquando frufta juglandis magnitudine, petris excindi poffint. Variat colore *albicante*, *cinereo*, *fusco* & *rubro*: virtute leniter adstringendi & aborbendi gaudet.

§. 9. MARGA FISSILIS *viridis* & *punicea*, *subpinguis cum particulis micæ sterilis*: quam non procul à porta minore, vulgo das *Pförtgen hinter dem gelben Engel* / ad dextrum Leutræ brachium, prope Jafpidem lapidem, ex montis radice erui; in quo ftrata phœnicea, fupra ftratum viride obfervare licet. Cum hæc marga primum mihi ante oculos veniret, putavi, hanc effe *terram metallicam ferrariam*, vulgo *Eifen Mann* / cum qua multum commune habet, & venæ auri index est.

# CAPUT V.

DE  
LAPIDIBUS NULLA CERTA  
FIGURA GAUDENTIBUS, QUI  
ΑΜΟΡΦΟΙ APPELLANTUR.

## §. I.

**O**Rdo & methodus jubent, ut in hoc capite, de *Lapidum* ἀμορφῶν varietatibus aliquid delibem, præsuppositis lapidum, cum in genere, tum in specie, definitionibus: quæ ab aliis autoribus traditæ sunt, quare hoc labore supersedeo.

§. 2. Primum se offert SAXUM ARENARIUM, quod variis in locis agrî nostri reperi: de quo monendum, quod unum genus, si ex terra fodiatur, tam *molle* sit, ut leviori ictu & allisu in frusta diffiliat: si vero aëri exponatur, sensim atque sensim indurescat, firmioremque cohæSIONem acquirat: quale saxi genus in *Sebergo* prope *Gotham* urbem inveni: alterum *genus valde durum est & firmissime cohæret*, cujus petraë passim in agro nostro occurrunt. Colores inter se discre-

D

pant,



pant, *luteus*, *albus*, *ruber*, *gryseus* & *fuscus*. *Uſus* omnibus notiffimus eſt.

§. 3. Ex ſoluto ſaxo *Arena* fit, quæ à phyſicis in *foſſicam*, *fluviaticam* ſive *litteralem* & *marinam* dividitur. Duas priores ſpecies, circa nos videmus. *Arena foſſica* ex montibus eruitur: huc etiam refero *Speluncam arenariam*, vulgo *die Sand-Höhle* / *die Sand-Grube* in *Seberg*o, quæ crypta ampla eſt, variaque fulcra fornicata habet, ne concidat, quæ tamen, ad ingreſſum, ingens & vaſtiſſima ſuperincumbens moles fregit, & comminuit; quæ ruina non ſine horrore conſpici poteſt. *Arena fluviatica* ſive *litoralis* in *Sala*, & ad ejus ripas copioſior eſt. *Uſus* arenæ multiplexprehenditur, tam in purgandis & poliendis utenſilibus, tabulatis conclavium metallisque, quam in deſtilationibus chymicorum & pharmacopæorum, conficiendis clepſidris, literisque ſcriptis exſiccandis &c.

§. 4. Huic accedit **SAXUM GLAREOSUM**, quod nitet & ſplendet micæ ſterilis fere inſtar, vario colore conſpicuum, nempe: *rubro*, *ſubviridi*, *albo* & *cinereo*. Cujus fruſta ad ſpeluncam *die Zeuſ*

**Zeuffels Höhle /** & ad Hausbergum, aliis  
que in locis reperi.

§. 5. TOPHUS five PORUS, quem  
*Agricola* inter lapides numeravit, huc et-  
iam pertinet : qui ad fontem vulgo **der**  
**Fürsten-Brunne** copiosus est, & in ejus  
aqua generatur : quando nempe ea par-  
ticulæ, quas aqua vehit, præcipitantur,  
corporibusque injectis adhærent. Soepius  
etiam in locis incultis, circa pagum **Co-**  
**spita**, in montibus ad vallem **das Rau-**  
**he-Thal /** & in illo latiori monte bey  
**dem Lustt-Schiffe /** in der **Zische** &c.  
inveni. In **Gembda** amne etiam reperi,  
& **Vinariæ** in rivulo quodam, qui non  
procul à via, qua à **Vinaria** ad **Erfurtum**  
itur, ad sinistram viæ est. Non dicam  
quod circa **Salfeldiam**, **Vinariam**, **Ertur-**  
**tum** & **Gotham** reperiatur tofus. Ad or-  
nandas componendasque curiosorum cry-  
ptas, germ. **das Grotten-Werck /** col-  
ligitur : alii contra pyramides ex hoc tofo  
componunt.

§. 6. SAXUM CALCARIUM in-  
ter gypsum frequens est, quod in calcem  
uritur. **Salfeldiæ** etiam reperitur, me ipso  
& *Encelio* testibus, qui *Lib. III. de Re Me-*

*tallica* dicit: *Lapis Calcareus in patria mea, ad Salam & aliis locis auff den Kalck Brücken und Bergen.* Usus est insignis in conglutinandis muris, & dealbandis parietibus: Medicus vero varius est, quem jam non recensebo.

§. 7. GYPSUM, ut plurimum candidum est, rarius vero cinereum: cuius ingens copia, venæquæ latæ & majores in agro Jenensi notabiles sunt, de quibus venis *Agricola de natura fossilium Lib. V. Cap. 7.* dicit: Gypsum in Misenis ad Salam ferè è regione Jenæ oppidi Thuringorum, in quo loco montes abundant venis gypsi dilatatis. Quæ gypsi abundantia causa est, cur gypsum ustum, calcis vices, in conglutinandis muris, obeat: quod etiam *Kentmannus* suo tempore in Thuringia observavit; qui in *Nomenclat. fol. 26.* offert Gypsum ustum, quo Thuringi calcis vice utuntur, Spar = Kalck. Hæc gypsi copia non solum in Jenensi agro est; sed in tota fere Thuringia, v. gr. circa *Gotham* in *Sebergo*, *Salfeldiæ* & *Nortbusæ* in montibus, qui toti ferè gypsei sunt: de qua ultima urbe *Agricola de Nat. fossil. Lib. V. Cap. 7.* refert, quod ex cru-

stis

*stis Gypsi*, (intelligit Saxum fossile gypseum) *cinerei coloris*, *murus Northusæ in Thuringia extructus sit.*

§. 8. Præter illud, quod loco calcis in usum veniat, ex eo *plastræ* variorum colorum fiunt: quibus coloribus, quando gypsum miscetur, massam hanc tingunt: plurimæ vero *plastræ albæ* sunt, quales in arcibus Serenissimorum Saxonæ Principum, Collegio Jenensi, in auditorio publico Theologico & Medico, nuper extructis; Gothæ in cænobio Augustinorum olim monachorum, jam Gymnasio illustri: Lipsiæ &c. Formantur ex hoc gypso combusto *Statuæ*, diversæ magnitudinis, *effigies hominum* aptissimæ, & *nummorum rariorum ectypa* accurata. Pollet virtute *exsiccandi*, *obstruendi* & *conglutinandi*, quare *externe* in sanguinis fluxu sistendo applicatur: *interne* vero sumptum, mortem adfert.

§. 9. ALABASTRUM, cujus fragmenta ad Salæ ripas inveni, candidum est, & aliquando rubris venis pictum. Non procul a Rudolphopoli *alabastrum* copiose eruitur, cujus varietates sunt:

*Alabastrum album, purum,*

*Alabastrum corneum, purum,*

*Alabastrum album cum venis rubris,*

*Alabastrum corneum cum venis rubris.*

Quæ species, si in frustra plana secantur & poliuntur, perlucidæ fiunt. Quia hic lapis mollis est, facili labore effigies sanctorum Apostolorum, aliorum hominum, animaliumque, à sculptoribus ex eo sculuntur. Porro fiunt ex alabaistro varia utensilia & vasa minora, ad pompam magis, quam usum domesticum, & infantum ludicra. Hujus lapidis pulvis, ingreditur unguentum alabastrinum, quod capitis dolores tollit. Curiosum de gypso experimentum habet Rob. Boyle Hist. fluidit. Sect. XVIII. & ex eo Jo. Jacob. Baierus in Oryktographia Norica Cap. IV. p. 26. ad quos Lectores remitto.

§. 10. MARMOR nigrum, cum venis albis: & album, cum venis nigris, in agro nostro offendi, cujus fragmenta minora in Sala, passim inter filices occurrunt. Eximie duritiei vero & nigricans, ad colorem cæruleum vergens cum venis albis, non procul à Salfeldia, è monte eruitur; cujus magna vena ante paucos

an-



annos detecta est. Sed de hoc, aliisque, in vicinia, marmoribus, in ipso opere agam.

§. II. Marmor sequuntur SILICES, marmore duriores. Hujus diversæ species, tam in Sala, Leutra, rivulisque minoribus, quam in agris, vineis & montibus reperiuntur. Differunt inter se Silices nostri, *colore candido, nigro, flavo, fusco, rubro & dilute rubente*, aliquando etiam ex variis *mixto*. Illi Silices, qui in fluviis reperiuntur, plerumque molliores sunt, & non firmissime coherant, quam alii, extra aquam positi. Sed verus filex, extra aquas, in agris, aut terra deprehensus, marmore durior est, & chalybis ictu & allisu, ex eo ignis elicitur; cujus species, quæ cornei coloris est, *Feuer-Stein* appellatur.

§. 12. Si Silices nullo ferro tractari possunt, quia durissimi sunt, ut omnem ferri aciem & vim eludant: quare ad sternendas plateas, requiruntur à fabris murariis. Quamvis vero Silices ferri vim eludant, igni resistere non possunt, cujus fortissima vi, molliores redduntur, ut in minora frustula dissiliant; deinde pistillis

ingentis molis, ligneis, in inferiore parte ferro crasso circumdatis, à mola in altum sublatis, ut lapsu graviore ruant, subjiciuntur, & in pulverem minutissimum concunduntur; quam molam, metallicorum vocabulo, *das Puch-Werck* appellare solent. Pulvis ille subtilissimus, cum cineribus clavellatis & cobalto in furno fusorio, in *fluorem cæruleum* funditur, ex quo deinde *Smaldum* paratur; quod *Salfeldiæ*, non procul ab urbe, in dem *blauen Farben-Wercke* / videre licet. Porro a Metallicis, ex filicibus præparantur fluores, vulgo *die Flüsse* / de quibus alio tempore. Medici filices *pulveribus dentifriciis* immiscent; Sic etiam ex hoc lapide extrahitur laudatissima *Tinctura nephritica Amelungii*, in nephritide & calculo, miseris magnum levamen præbens.

§. 13. JASPIS, inter pretiosos lapides ab omnibus numeratus, auro includitur, & sculpturas recipit. Hujus *Sanguinea species* copiosa in agro nostro est, variisque in locis reperitur, nempe: in ripis altioribus *Leutræ* amnis, & quidem brachii dextri, vor dem *Pförtgen* hinter dem *gelben Engel* / non procul à ponte hu-

hujus portæ, versus Salam: *item* ad cryptam, vulgo die Teuffels Höhle! & in *petra* quadam, prope pagum Wöllnitz. In his locis, jaspidis venas, tanquam strata, inter alia saxa reperi: quæ tam latæ sunt, ut plurimum unius digiti, rarius vero duorum digitorum, latitudinem superent.

§. 14. Eodem colore rubro, qui in jaspide nostro conspicitur, adjacentes etiam & vicini lapides tincti sunt. In jaspide vero, radiis Solaribus, tempestatumque injuriis, exposito, color *sanguineus*, in *dilute rubentem*, *flavescentem*, & *lacteum* mutatur. Huic coloris mutationi, similem Experimentum, ignis chymici ope absolutum, *Becherus in physica subterranea Lib. I. Sect. III. Cap. IV.* tradit: qui jaspidis colorem sanguineum, in lacteum convertit.

§. 15. Qamvis jaspis noster sculpturas recipiat, annulisque includi possit: ignari *pro silice* utuntur, & ex eo ignem copiosissimum eliciunt; quod causa est, cur *rother Feuerstein* appellatur. Simile exemplum, de Misniæ urbis incolis, narrat *Encelus Lib. III. de Re Metallica*, quod

*jaspide spadiceo loco silicis*, ad eliciendum ignem, usi sint, cum hâc exclamatione: *O sancta simplicitas Germanorum*. Jaspidis acuta latera, vitrum dividunt, quod de adamante novimus. Tale experimentum etiam, cum silicis durioris frustulis, acutis, facere possumus. Usus in medicina observatur varius, tam *ad sistendum sanguinem*, commendante *Andr. Cæsalpino Lib. II. de metallicis Cap. 39.* & *os ventriculi corroborandum*, teste *Agricola de Nat. fossil. Lib. I. Cap. 12.* quam *ad absorbendum*, & *partum difficilem, faciliorem reddendum*, si ad femora parturientis alligetur: quae virtus *aëtiti* à vulgo tribuitur, & *Magnetis Helmontius* adscribit. Quid de hâc operandi vi statuendum, & quomodo in parturientis corpus agat, partumque acceleret? in *Dissertat. mea de superfluis & noxiis quibusdam in chirurgia*, §. VII. pag. 8. dilucide explicavi. Laudant etiam magi *sigillum ex jaspide paratum*, cui *Leporis*, animalis fugacissimi, *effigies* insculpta est, *in avertendis abigendisque diaboli insultibus*: quod sigillum à Salomone, *Israhitarum Rege*, inventum esse, asseverant. An vero *Diabolus* timidi leporis imaginem, &

jaspidem fugiat? prudentiores facile capient.

§. 16. Inter lapides perlucidos, merito numero LAPIDEM SPECULAREM, five GLACIEM MARIÆ, Græcis *καλνιτρυ*, & Germanis *Frauen-Eiß / Marien-Eiß / Marien-Glaß*. Hic lapis cum gypso ejusdem fere naturæ est, si excipio, quod gypso perlucidior & purior sit: quod facili negotio probare possum, si lapidem nostrum in Gypsum comburo: & quod natura in terra, ex Gypso puriore, lapidem specularem producat. Repertur aliquando in agro nostro, in venis Gypseis, quamvis in frustis minoribus. Copiosior autem circa arcem Schwartzburgicam, cujus frusta aliquando quatuor digitorum latitudinem superant, & vitro veneto pellucidiora sunt. Aliquando etiam circa Numburgum urbem occurrit; copiosus vero in Thuringia ad secundum lapidem à Northusa, in Steigera valle: & in Misena ad Salam, teste Agricola de nat. fossil. Lib. V. Cap. 9. Impurus contra specularis lapis est, qui prope vicum Pösenek eruitur, luteus existit, & non admodum perlucidus est.



§. 17. Ex lapide hoc, veteres *fenestrarum orbes* formarunt, ligno, *plumbo & chartâ* includere: quales fenestras in *vici-  
nia nostra, Mersburgi, in templo vetusto* offendit *Agricola, confer ejus Bermannum  
Cap. 32. & de natura fossil. Lib. V. Cap. 8.* Tales fenestras in aliis etiam locis vidit *Kentmannus, qui in Nomenclat. fol. 32.  
N. 2. Selenitem pellucidum & fossilem, ex  
quo in Thuringia, Saxonia & vicina Mar-  
chia orbes fiunt, qui fenestris inseruntur,* nobis offert. Cum vero vitrum, specula-  
ri lapide multo vilius vendatur, tales fe-  
nestrarum orbes occurrunt rarissime. Cu-  
riosi tamen, in museis rarioribus & pretio-  
sis, hoc lapide *papiliones, & plantas mi-  
nores ac imperfectas, nempe muscos & pi-  
cturas minores rarioresque, includunt, at-  
que tegunt; taceo, quod aliis usibus etiam  
conducat optime. Hic lapis à foeminis &  
puellis in pulverem teritur, & loco talci,*  
faciei fordes abstergit, illamque nitidiorem  
reddit, *confer Agricol. loc. cit. Idem Agri-  
cola lapidis specularis ramenta, nucis avel-  
lanæ quantitate, contrita, ex vino, ut bi-  
bantur à Dysentericis, tutissime suadet,*  
*vide ejusd. Lib. V. de nat. fossil. cap. 8. & in*  
*Ber-*

*Bermanno Cap. 32.* omitto reliquas vires, ab autoribus passim traditas.

§. 18. Præterea RUBINI & HYACINTHI *minores*, aliquando in Salæ fundo, inter aquas observantur, quamvis rarissime: quos pretiosissimos lapides, & valde exiguos, ad Salæ ripam prope Salfeldiam reperi. De quibus in posterum. Prætereo FLUORES *rubros, subcinereos, candidos &c.* consulto, quos aliæ occasione reservo. Rariores sunt in agro nostro, frequentiores contra in regione Salfeldensi.

## CAPUT VI.

DE

## LAPIDIBUS FIGURATIS EX LUSU NATURÆ.

§. I.

**A**Ntequam de lapidibus figuratis, tam *ex lusu naturæ*, quam *transmutatione vel petrificatione*, agam, monere volui, mihi non animum esse singulos lapides, figuris æneis exprimendi, cum apud *Carol. Nicol. Langium*, in *historia*  
La.

*Lapid. figurator. Helvetiæ: Eduar. Luidium in ichnograph. Jo. Jacob. Scheuchzerum in variis de hac materia libellis, Jo. Jacob. Baierum in Oryktographia Norica, &c.* reperiantur nitidis & accuratioribus figuris expressi; sed illos saltim lapides, quorum figuras nullus curiosorum hætenus expressit, proferam: illam quidem ob causam, ut inutilibus sumptibus, cum editoris vel Bibliopolæ, tum ipsius emptoris curiosi, parcam: quia figuræ æneæ copiosiores, libros reddunt pretiosiores. Interim tamen *figuras*, nostris lapidibus similimas, ex *Clarissimi Jo. Jacob. Baieri Oryktographia Norica*, quæ omnibus curiosis in manibus est, huc referam, commemorabo & ad illas lectorem remittam; ejus etiam *methodum*, naturæ convenientissimam, in hoc libello sequar. Porro retineo eandem, *Clarissimi Baieri, Lusus Naturæ* explicationem optimam.

§. 2. Exordiar à LAPIDIBUS FIGURA MATHEMATICA CONSPICUIS, quarum differentiæ variæ, in agris, vineis, montibus, Sala fluvio, Leutra, aliisque rivulis occurrunt copiosissime, quales sunt:

*Lapides figura quadrata præditi,  
triangulares, angulis acutis & ob-  
tusis.  
quinquangulares,  
sexangulares,  
figuram Rhomboideam exprimen-  
tes,  
ovales plani,  
pyramidales,  
conici,  
figuram cubicam referentes,  
oblongi &c.*

§. 3. Inter lapides rotundos, conve-  
xos, globosos & aliquando ovi figuram  
emulantes numero AETITEM, vulgo  
Adler-Stein / Klapper-Stein; cui  
varia nomina, pro diversitate materiæ,  
quam continet, antiqui Fossilium cetera-  
rumque Rerum Naturalium Inquisitores  
diligentissimi, Dioscoridem puta, Plinium  
Agricolam, &c. haud inepte imposue-  
runt. Simpliciter Aëtites dicitur, qui la-  
pillum aut arenam continet: Geodes, qui  
terram; & Enhydros, qui liquorem inclu-  
sit. Præterea reperitur etiam aëtites ina-  
nis, in quo nihil observatur: in aliis con-  
tra lapillus est, interiori lateri adhærens.

§. 4. Neglectis nominum derivationibus, ad locum natalem progressum facio, qui ad montium radices, & ad Salæ ripas est. Occurrit enim apud nos (1) *Ætites asper, durus, ferrugineus, lapillum, callimum, continens*, ad Salam. (2) *Ætites cum lapillis, crystalli instar splendentibus, & interiori cortici adnatis*, in Salæ ripis: de quo *Agricola de Nat. fossil. Lib. V. cap. 17. Miseno autem ad Salam nato, &c. quia plerumque adhærent, cum quatuntur, sonum non edunt. Adhærescunt vero ad eum, quem gignunt montes ad Salam siti, parvi & candidi, ac crystalli instar splendentes* (3) *Geodes luteus figura ovali, Ochram continens*, ad Salæ ripas. De ochra in Geode, *Cap. IV. §. 6. pag. 46. dixi.* (4) *Enhydros minor, candidus, lævis & durus*, in Sala fluvio rarissime; qualem non procul à pago Schwarza in Sala reperi. His adjicio aliam ætitis speciem, *Enorchis* dictam, quæ species, nomen à testiculo puerili accepit, & magnitudinem ovi columbini æquat, nempe ille lapis, qui inclusus est. Talem inveni in amne *Schwarza*, cujus nomen sit: *Enorchis dura, lævis.* Vulgaris vis, quæ ætiti à chirurgis su-



superstitiosis mulierculis tribuitur, est, quod, si brachio alligetur, abortum præcaveat; si femori, partum faciliorem reddat: quam vim, a ligatione femoris, non vero aëtitē, oriri, in *Dissertat. mea de superfluis & noxiis in chirurgia*, rationibus probavi. Huic aëtitī *Valeriola* tantam vim adscribit, ut, si in femore post partum alligatus maneat ex oblivione, uterum ipsum extrahat: qualem historiam, de *Valentia*, Ponsoni Jonberti conjugē, narrat. Sed hanc Valentiam in partu difficili fuisse, ex alligatione aëtitis conjicio. Jam constat inter omnes medicos & obstetrices, partum difficilem, sæpissime uteri prolapsum causari: qui prolapsus ut plurimum motum vehementiorem embryonis, & virium prostrationem, sequitur, cui accedit, quod uterus, a motu fortiori infantis expandatur, & ligamenta uteri, cum extenso utero, elongentur: quibus fit, ut ligamenta, ultra naturalem longitudinem extensa, uterum multo demissius teneant: hunc uteri prolapsum adjuvare solet copiosa aqua in utero, & extra uterum, collecta. Ex his causis uteri, aut vaginæ uteri prolapsus fit, quam-

vis in femore nullus aëtites alligatus fit, neque in tota urbe reperiatur.

§. 5. Non minus superstitiosa, quam absurda est illa vis, aëtiti à Græcorum monachis tributa, quod furem & furti reos prodat: quod experimentum apud *Petr. Bellonium Observ. Lib. II. cap. 23.* & *Anselm. Boëtium de Boot Lib. II. de gem. & Lapid. cap. 198.* legitur. Alii putant, aëtitem divitias augere, & amorem conciliare posse. Medici vero, cum particulis terrestribus gaudeat, easdem terræ figillatæ vires in morbis malignis habere dicunt. Plura de hoc lapide narrant, *Guil. Laurenbergius in historica descriptione aëtitis, sive lapidis aquilæ, & Jo. Laurent. Bauschius in sched. de aëtite.*

§. 6. Pertinent ad mathematicas figuras **CRYSTALLI**, quia Sexangulares sunt, quæ rariores inter Salæ arenas, aut in aëtite reperiuntur. Majores vero in fodinis cuprariis Salfeldensibus, imprimis in dem *St. Johannes Stollen zur Ehre Gottes* / & in regione *Reichmansdorfensi*, non ita procul à pago *Schmiedefeld* in nova fodina, der *St. Josephs Stollen* / ex qua fodina ipse *Crysallos*

*candidas & pellucidas, & luteas ac nigras, haud diaphanas deprompsi. Virtutes cryftalli omitto, apud autores medicos, & Boëtio l.c. legendas: qui Boëtius ex cryftallis oleum & sal parandi modum tradit Lib. II. de gem. & lapid. Cap. 74.*

§. 7. BELEMNITES ad conicas refertur, qui in vineis nostris & agris reperitur. Duas belemnitæ species in vineis ad viam, qua itur ad pagum Ammerbach deprehendi, & figuris & Clariffimi Jo. Jacob Baieri loc.cit. Tab. I. fig. 5. & 6. exacte respondent. Nolo hic multa de Belemnite differere, quia in agro nostro rarius occurrunt, confer sæpius commemorati Baieri Oryktograph. Noric. pag. 33. 34. 35. 36. 37. 38. 39. qui prolixior in hac materia est. Inter conicas figuras numero STALACTITEM five STALAGMITEM Germ. Tropff=Stein/ in cryptis variis occurrentem, imprimis in illis, quæ Rodæ sunt.

§. 8. A conica figura recedit CERAUNIA NIGRA, Germ. Donners Stein / Donner = Keil / Straals Stein/ quia à tonitru in terram dejici creditur. Cujus varietates duas apud nos reperi, unam cum foramine, alteram sine

*foramine*, quas *Illustris Georg. Wolfgang Wedelius*, in vineis repertas à rustico accepit, mihiq̃ue ostendit. Creditur, hunc lapidem in nubibus, ex particulis lapidosi & metallicis, à solis radiis cum aquis in altum sublatis, generari, & nubium motu perpetuo vehementiorique ita comprimi, & solis reliquarumque stellarum calore in solidissimum corpus indurari: quod durissimum & lapideum corpus tandem nubes rumpat, magnaque vi & strepitu in terram decidat, & obstacula prosterнат. Cum vero certæ ac determinatæ figuræ in ceraunia observentur, quæ *malleo* & *cuneo* propriæ sunt, hunc lapidem, non *lusu naturæ* in nubibus; sed *arte factum* esse, conjicio. Illa enim *ceraunia* species, quæ *mallei figuram refert*, perforata est, & *foramine*, in uno latere ampliori, in altero vero angustiori conspicua; quale foramen in malleis ferreis est. Hæc mallei figura cum *foramine*, causa est, cur existimem, lapidem hunc à veteribus ita formatum esse, ut mallei, aut alius instrumenti vices obeat. Nulla enim ratione explicari poterit, *quomodo nubes hanc mallei figuram, cum foramine pene-*

*trante efformet : & si aëris motum, nubiumque pressionem ab omni latere statuerimus, cur non rotundus, aut teres lapis fiat, nullo foramine notatus ? aut quæ sit perforationis causa, & quodnam instrumentum, quo perforetur ?*

§. 9. Altera cerauniæ nostræ species, *cuneum refert arte factum.* Verisimilior est sententia mea, quod hic lapis à veteribus ex durissimo lapide confectus sit, ut in *findendis lignis*, quando securi prius fissura facta est, adhiberi possit, aut ad *polianda metalla* conducat, quod de hæmatite novimus, aut ad *alios usus, nobis incognitos.* Objiciet quis, *plerumque* (quamvis non semper) *cerauniam in illis locis, aut non procul ab iis, quæ fulmine tacta sunt, reperiri :* Cui respondeo, quod *ab aliquando ad semper nulla valeat consequentia;* sed quod forte talis lapis à multis annis, aut ab inundationibus, aut ab aliis illatis ruinis &c. in terra absconditus jaceat, aut vomere ex agro erutus sit, & post illata à fulmine damna, quæ diligentius inquiruntur, reperiat. Reperiuntur etiam cerauniæ in agris, vineis & fluminibus nullo fulmine tactis.



§. 10. Hæc de ceraunia habui, & *Lectori curioso* communicare volui, non, ut meam sententiam atque opinionem, illi obtrudam, tanquam certissimam, sed probabiliorem & rationi convenientiorem. Si quis vero certiolem, ratione physica, aut experimento quodam probatam tradiderit, illi minime inuidebo; sed prolatam in publicum, tam cupide, quam amice suscipiam. Vulgus credit cerauniam fulminis tactum à domo, in qua est, avertere, &c.

§. 11. ASTERIÆ vel STELLARES aut ASTROITÆ sequuntur; quos in *lapide duro, polituram recipiente collectos*, vidi inter curiosa *Clarissimi TEICHEMEYERI, Physices experimentalis Professoris, in Jenensium Academia, Fautoris æstumatissimi*. Hi Astroitæ in agro nostro reperti sunt, quamvis rariores sint, quorum figuræ exacte respondent *fig. 12. & 13. Tab. I. Oryktogr. Noricæ Jo. Jacob. Baieri*. Nullum usum in mechanica & medicina præstant; sed à curiosis ad oculi delectationem colliguntur.

§. 12. Sequitur jam *altera lapidum ex naturæ lusu figuratorum classis*, in qua  
LA-

LAPIDES, QUI VEGETABILIA ET ANIMALIA, AUT EORUM PARTES REFERUNT, ad quos pertinet DENTRITES, *sive lapis, arbores minores, muscos &c referens: quales in lapide albo fissili, ad radicem montis Hausbergi, versus pagum Ziegenhann reperi. Multo vero elegantiores sunt, quos Salfeldiæ ad fodinam argentariam, das Hausß Sachsen / in Silice vidi. In Silicibus Salfeldensibus, illud peculiare observavi, quod semper, in quo latere lapidis fissio etiam fiat, aut, si minorem lapillum decusserim, perfecta arbusculi aut musci figura conspiciatur. Præterea in his silicibus minores soles & stellulas videre licet.*

§. 13. LAPIS JUDAICUS in monte der Steiger à me repertus est, cujus figura Boët. de Boot loc.cit. fig.3. haud ab-  
 similis. Langius Part.I. pag.315. in materia medica lapidis judaici mentionem facit, in Thuringia circa Neißstädt & Langes Salza urbem reperti. Omitto reliquos lapides, variorum fructuum, PYRI, POMI, PRUNI &c. speciem æmulantes, quos partim ad Salam & alios rivos, partim in agris & vineis, aut montibus de-

prehendere licet. Huc etiam refero CUPRI MINERAM VIRIDEM, BOTRYTEM, five *uvas multas, racematim sibi adherentes* referentem, quam mineram ex fodina der Haupt / Schlüssel / prope pagum Rönitz / in Ducatu Schwarzenburgico, deprompsi.

§. 14. Progredior ad illos LAPIDES QUI HOMINUM ANIMALIUMQUE CORPORA REFERUNT: inter quos numero illum lapidem, cuius *Agricola Lib. V. de Natura Fossilium cap. 5. meminit*, qui Salfeldiæ, in vicinia nostra, repertus est, & FIGURAM PECTORIS CUIJSDAM HOMINIS REPRÆSENTAVIT, de quo loco citato Agricola: *At Salfeldiæ in Thuringiis, ex puteo viginti duas orgyas (Nachter) alto, effusus est Lapidis, qui solidi pectoris speciem præseferebat, longus sesquipedem: latus palmas tres: crassus anteriori parte, ubi costæ terminabantur, digitos sex: posteriori, ubi erant vertebrae media perforata, tres; Sed spina vacua erat ab eo, quod medullam exprimeret: extrinsecus autem lapidis color insidebat, aut niger,*



*Fig. 2.*



*Fig. 1.*









Fig. 3.

Tab. II.





*aut rarus: intus lapidis arabici similis. Verum hunc natura singularem procreaverat.*

§. 15. Porro LAPIS PEDEM HOMINIS AMPUTATUM REFERENS, cujus imaginem Fig. I. Tab. I. quodammodo exprimit, ubi monendum, *quod hic lapis naturalem hominis vivi magnitudinem adæquet, durus & luteo colore tinctus sit.* Hunc lapidem in planitie illa, quæ circa famosissimum diversorium, das Lust- & Schiff / est, inveni.

§. 16. LAPIS OS ILEI ISCHEI & PUBIS REFERENS, quem Fig. 2. Tab. I. adumbrat, non procul à pago Glicero / de / inter alios lapides à me visus, & repertus, qui etiam naturalem fere magnitudinem æquabat.

§. 17. Separatim vero contemplandus est ille LAPIS, in quo Num. 1. TULIPA, Num. 2. & 3. AVES, Num. 4. HORRIDA VIRI BARBARI FACIES, Germ. ein Frazen- & Gesichte / Num. 5. FOLIORUM RAMIFICATIO (Laub- & Werck) Num. 6. INFANS DEXTRA MANU CAPUT FULCIENS, conspiciuntur; hujus lapidis faciem Figur. 3-  
E 5 Tab.



Tab. II. exprimit. Sed has figuras, conchilia diversæ magnitudinis, & lapilli in crystallos mutati, ita formarunt, ut non sine curiosorum admiratione examinari possint; quem lapidem mihi humanissime communicavit. *Excellentissimus HERMANNUS FRID. TEICHEMEYERUS, Phil. & Medic. Doctor, Physic. Experimental. Professor ordinar. & Medicinæ extra ordinem, in Academia Jenensi, Fautor æstumatissimus*, ut in magnitudine naturali hujus lapidis faciem depingi curarem.

§. 18. LAPIS OS FRACTUM REFERENS, vulgo OSTEOCOLLA, qui propter figuram ossis fracti, & virtutem fracta ossa conglutinandi, à Germanis *Bein-Bruch / Bruch-Stein / Bein-Stein* appellatur. Reperitur sæpius in agris nostris ac vineis; virtutes hujus lapidis apud Medicos & Chirurgos leguntur, & apud *Anselm. Boët. de Boot, in Gemmar. & Lapid. Histor. Lib. II. cap. 234. & 235.* ubi mirabilia de hoc lapide narrantur: quæ ex *Matthiolo & Quercetano* desumpta sunt. Minime vero his autoribus credere possum, quod osteocolla, ma-

ne & vesperi ad sesquidragmam in vino assumpta, multo minus una osteocollæ drachma in vino rubro propinata, intra tres, quatuor aut quinque dies ossium fracturas curet. Sed potius cum *Hildano*, hanc, tam cito conglutinandi vim, in dubium voco, qui in *Observat. Chirurgicar. Cent. III. Observat. 90.* hoc iudicium de ea vi fert, cujus verba sunt: Ego, & si ipsum (*scil. Lapidem*) in fracturis ossium præstantissimum esse, in controversiam vocare, minime contendam, attamen intra tam paucos dies, ut scribunt *Mathiæ*, & *Quercetanus*, ossa fracta, sanare posse, non facile mihi persuadere possum. De hoc lapide denique monendum est, quod quidam curiosorum, illum inter ossa pertrificata referre velint, atque numerent: quia ego vero talia indicia, in hoc lapide nondum observavi, merito inter lapides, ex naturæ lusu figuratos, pono.

§. 19. Ultimus hujus classis MYITES est, vel *Lapis, muris sedentis, seque contrahentis, figuram repræsentans*, Germ. *Mäuse-Stein*; quem lapidem, quamvis hætenus ipse nondum viderim, tamen inter nostros numerare volui, quia *Kent-*

*man-*



*manno & Albino* testibus, loc. cit. in *Thuringia* reperitur: quare curiosos ad quærendum invito. Omitto reliquas in lapidibus figuras, ex conchiliorum & lapillorum variorum congerie ita formatas atque compositas.

## CAPUT VII.

DE

### LAPIDIBUS EX QUORUNDAM VEGETABILIVM ET ANIMALIVM MUTATIONE FIGURATIS.

§. I.

**H**Actenus de *lapidibus nulla certa figura gaudentibus, & ex naturæ lusu figuratis*, dixi. Sequitur jam ordine tertium genus *Lapidum, ex transmutatione vegetabilium animaliumque, figuratorum*.

§. 2. Antequam vero de his lapidibus ago, cui *Sectæ* me addixerim, cuique rationi meam sententiam subscripserim, dicturus sum. Constat, diversas sententias de his lapidibus in publicum prolatas esse,

esse, quarum *prior* ex *naturæ lusu* hos ita *formatos esse* statuit; *altera* vero per *Semini-um quoddam occultum in terra generari ac propagari*, hoc lapidum genus, tradit; *ultima* denique *Diluvii Universalis* (cujus mentionem facit Sanctus ille Vir MOYSES, *Gen. VII.*) *monumenta existere* credit. Cum vero *primam sententiam* refutent exempla quotidie fere reperia & reperiunda, & *altera* minime rationi conveniat, nullaque causa, nullusque modus evidenter probari ac demonstrari possint, & *ultima* probabilior sit, multisque experimentis comprobata, eam optimam ac verissimam pronuncio. Nolo hic causas & modum mutationis animalium & vegetabilium in lapides explicare, quia alii autores sat prolixè de his egere; quorum facile princeps est JO. WOODWARDUS; quem sequuntur JO. JACOBUS SCHEUCHZERUS, JO. JAC. BAIERUS, DANIEL SIGISMUNDUS BUTTNERUS, & alii. Sententiam horum Virorum Curiosorum roborant *conchilia petrificata*, *pisces* in lapides mutati, in quibus *squamæ distinctæ* conspiciuntur, vel *semipetrificata*, ubi *skeleton* cum

cum *cauda* & *capite* evidentissime observantur, *cancris petrefacti*, in quibus *chela* adhuc rubent, *araneæ*, &c. Vegetabilia petrificata etiam ex fodinis Manebacensibus copiose eruuntur, in quibus *fibræ plantarum*, *figuræ* nitidæ, satis distinctè conspiciuntur, quales plantæ sunt: *Arun-do vulgaris*, *polypodium*, *filix mas* & *fœmina*, *Equiseti diversæ species*, &c. Qui vero de hujus rationis veritate dubitat, legat jam laudatorum virorum libros, de hac materia conscriptos, hosque lapides paullo diligentius inspiciat, imprimis vero illa specimina, quæ semipetrificata sunt.

§. 3. Quamvis jam certum sit, quod multa animalia atque vegetabilia, in lapides conversa, Diluvii Universalis monumenta sint, tamen maxime probabile, & rationi consentaneum esse mihi videtur, etiam quædam animalia aut vegetabilia petrificata, in certis regionibus reperta, à particulari inundatione, in illa regione ante multos annos observata, aut à quodam terræ motu majori, derivare voluisse. Magnæ enim inundationes certas terras aut regiones diluendo evertunt, quarum tristissimum exemplum, de Frisia Orientali nostra

strâ memoriâ novimus omnes. Non dicam de inundationibus aliorum terrarum, v. gr. Italiæ, &c. aut insularum; neque recensebo varias veterum historias.

§. 4. Lapidibus vere petrificatis, præmittam *illa corpora, quæ topho saltem incrustata sunt, & lapidis figuram externam referunt*, quamvis vegetabilium textura & fibræ non prorsus immutatae sint; sed topho saltem tecta, longo tempore vero in lapides mutantur. Specimen tophaceæ incrustationis est MUSCUS PETRIFICATUS, vulgo sic dictus, qui in fonte Jürsten-Brunne / cujus memini in Cap. III. §. 18. 19. & 20. pag. 30. & 31. occurrit. Reperitur etiam aliquando in Gembda, quod loc. cit. §. 17. pag. 30. dixi: Sic etiam prope Vinariam, in rivulo quodam muscum, gramina atque folia arborum topho obducta, vidi. Porro in fonte nostro Jürsten-Brunne occurrunt

GRAMEN PETRIFICATUM,  
ARBORUM RAMENTA VARIA PETRIFICATA,  
FOLIA SALICIS PETRIFICATA.

FO-

## FOLIA ALNI.

Sed FOLIUM FAGI PETRIFICATUM reperi in der Ziste.

§. 5. *Vera autem Petrificata vegetabilia sunt, v. gr. LITHOXYLA, quorum non multa in agro nostro vidi. Præter illud Lithoxylum, five lignum petrificatum, cuius Mylius in museo suo mentionem facit, quod ex sala nostra delatum sit, à me ELATITES, five lignum abiegnum petrificatum, ex terra non procul à pago Rechmansdorff erutum, observabatur quamvis parvum fragmentum fuerit. DRYTES, vel lignum quercinum in lapidem mutatum, ante paucos annos in vicinia nostra prope Leucopetram reperiiebatur, in mola quadam. Hæc sunt Lithoxyla nostra, quot hæcenus mihi videre contigit. Ceterum de lignis in lapides mutatis, jam dudum peculiaris liber prodiit, cuius inscriptio: Francesc. Stellutti Trattato del legno fossile minerale nuovamente scoperto, vel quale brevemente si accenna la varia, & mutabil natura di detto legno &c. in Roma 1637. fol.*

§. 6. Progredior ad ANIMALIA.  
PE.



PETRIFICATA. Horum præter conchilia nullum vidi, si excipio, quod in vicinia agri nostri, prope *Tonnam* urbem, TOTUM fere UNICORNU SCELETON PETRIFICATUM ex arenosa marga erutum sit: de quo Spectatissimi ac gravissimi Medicorum Gothanorum Ordinis Tractatus Germanicus ac Latinus prodire, in quibus *Guilielmi Ernesti Tenzelii* sententia, quod Elephantis Sceleton fuerit, solide refutatur. Huic Unicornu Fossili non multum dissimilia sunt OSSA PETRIFICATA, quæ in præterito anno non ita procul ab Erfurtho, inter pagos *Rinhausen & Zieffenthal* / rusticus aratro ex agro eruit. Non possum certo hæc ossa inter unicornu fossilis fragmenta ponere, vel illis adnumerare, quia parva saltem fragmenta apud *Experientissimum JO. BERNHARD. ZIEGLERUM, Med. Doct. & Physicum Territorialem Erfurtensem*, vidi. Interim tamen colore & sapore parum aut nihil à vero unicornu discrepant.

§. 7. Transeo ad CONCHILIA PETRIFICATA, & quidem I. ad UNIVALVIA: quorum species, quæ apud

nos occurrunt, sunt: *Cornua Ammonis* seu *Nautilitæ*, *Buccinitæ*, *Cochlitæ* & *Echinittæ*. *Nautilitarum*, vulgo *Cornu-um Ammonis*, in agro nostro, primum specimen est *NAUTILITES* *superficie levi, lineis simplicibus, undosis*, cujus nitida figura apud *Baierum* loc. cit. *Tab. VI. fig. 8.* conspicitur: Hanc speciem Jenæ, non procul à domo illa *das Jäger-Haus* inveni, & Erfurti vor dem *Schnecker-Thor* / ac Gothæ in dem *Schloß-Graben*. Alterum specimen est *CORNU AMMONIS* five *NAUTILITES* *levi superficie & lineis flexuosis, profundius insculptis*: cujus lapidis unum exemplar, non procul à fonte *Fürsten-Brunnen* reperi, plura vero Erfurti bey der *Cyriacks-Burg* / und an der *Gera* vor dem *Thore* / & Gothæ in des *Schlosses Grimmenstein* *Graben*. Faciem horum lapidum in *Baieri Oryctograph. Norica Tab. VI. fig. 9.* quodammodo adumbrat, quamvis noster lapis hanc figuram magnitudine ad sextam fere partem superet. Tertium vero specimen est *CORNU AMMONIS verrucosum*: cujus imaginem exprimit *Baieri* cit. *Tab. II. fig. 14.* quod an dem *Steiger* zu *Seba*

Zehna ; vor dem Brüller-Thore zu Erfurth / an der Cyriacks-Burg ; zu Gotha in dem Schloß-Graben / bald in der Gegend der Vogel-Stangen.

§. 8. Sequuntur BUCCINITÆ.

Hujus lapidis duas diversas species in regione fontis, des Fürsten-Brunnen/reperi. Naturalis hujus Buccini figura, (ante petrificationem puta) videre licet in MARTINI LISTERI *Histor. Conchilior. Lib. 1. Sect. 1. Num. 3.* cujus nomen est : *Buccinum admodum tenue, circiter quinque spirarum.* Secundæ speciei figuram etiam apud *Listerum* loc. cit. *Num. 20.* vide, cujus nomen : *Buccinum parvum ventricosius, ad modum dolioli, ore angusto.*

§. 9. Breviores vero & ampliores sunt COCHLITÆ. Variæ hujus generis species in agro nostro occurrunt, imprimis in fonte Fürsten-Brunnen/ & ad ejus ripas. Nolo hic diversas species recensere, ne nimis prolixior sim.

§. 10. Rotundi vero sunt & heli-  
bus carent ECHINITÆ, Germ. Knopff-  
Steine: quorum duas diversas species vi-  
di. Primam in vinea ad viam, qua itur  
ad pagum Ziegenhann/ reperi, & regu-

laris est, cujus figuram accurate exprimit *Baieri fig. 33. Tab. III.* Altera vero, & omnium quotquot hactenus vidi, maxima est, quam apud *Illustrem. G. W. WEDELIUM* vidi.

§. II. Restat II. *Conchiliorum petrificatorum Classis*, in qua agitur de *BIVALVIBUS*, qualia sunt in nostro agro: *Conchites, Mytilites, Musculites, Pedunculites & Bucardites.*

*CONCHITES* maximus, margine lato, & ad alteram ejus partem sinu amplo, striis longitudinalibus & transversalibus, in der *Welse* repertus est; cujus faciem, si excipio quod paulo major sit, *Figur. I. Tab. IV. Baieri* exprimit.

*MYTILITES* minores, vulgares fluviales, confer *Tab. IV. fig. 5. & 6. loc. cit.* circa *Cospita* pagum, & in monte prope *Rebda* vicum.

*MUSCULITES* vulgaris, in radicibus montium *Kirchbergi & Hausbergi*, versus pagum *Siegenbann* &c. circa *Vinariam*, & circa *Erfurtum*, imprimis vero ad montem *Petersberg* / *Gothæ* in *Sebergi* lapidibus quibusdam.

§. 12. Non minus etiam PECTUNCULITÆ & PECTINITÆ apud nos occurrunt, quorum species diversæ magnitudinis inter rariora sua servat, *Excellentissimus GEORG. CRHRIST. TITTIUS*, *Med. Doct. Comes Palat. Cesar. & Consiliar. Schwarzeburgicus*. Has species & prope pagum Gleina/ vulgo Kleine in agris collegi. Erfurti etiam occurrunt.

§. 13. Agmen denique claudunt BUCARDITES, à figura sic dicti, veteribus & nonnullis HYSTERAPETRÆ & HYSTEROLITHI, quia muliebri pudendum exprimunt. Meus *Bucardites*, quem non ita procul à fonte notissimo Fürsten-Brunnen reperi, nihil aut parum à figura 21. *Tab. IV. Oryktographie Baierianæ* differt. Tantum de lapidibus ex transmutatione figuratis.



# CAPUT VIII.

## DE SALIBUS.

### §. I.

**D**E Salibus jam acturus, moneo, me non omnia Salia, quæ ex combustis rebus variis, animalibus, vegetabilibus &c. produci possunt, ad hoc Salium Caput referre; Sed illa tantum, quæ ex aquis falsis, aluminosis, nitrosis &c. coquuntur, aut ex terris & lapidibus, cum lixivio extrahuntur, & calore denique inspissantur, qualia sunt: *Sal vulgare*, sive *commune*, *Nitrum Alumen & Vitriolum*.

§. 2. SALIS, quo utimur, ad condendum, Græcis αλς, German. *Salz* / *Rithen* / *Salz* / tria genera in orbe sunt: *Fossile*, *Marinum* & *Lacustre*. Quamvis in agro nostro Salis scaturigines deficient, nullumque Sal fodiatur aut coquatur, defectum nostrum vicinorum Salibus, & parvo pretio, supplere possumus. Copiosum enim coquitur *Halæ Hermundur*, de quo peculiaris libellus prodiit, *Franckenbusæ*, & aliis in locis. Cum in agro

agro nostro nullus Sal fit, lubens ejus virtutes prætereo.

§. 3. A Sale non multum recedit NITRUM, quod copiosum in Thuringia coquitur, & in agro nostro reperitur in illis locis, in quibus ex animalium & vegetabilium regnis putrificatio fit. Sic etiam ex urina in fimetis, stabulis &c. Copiose coquitur Nitrum Numburgi extra urbem, & Gothæ ac in aliis Thuringiæ locis, ubi ex terra cum lixivio elicetur. De hac Thuringiæ terra nitrosa *Kentmannus in Nomenclat. fol. 3. Num. 40.* glebam ostendit, cum his adjectis verbis: *Terra Nitrosa Thuringica, quæ in multis locis corrium terræ occupat. Unde vix ullibi plures officinæ nitrariæ, ut Mersburgi & Erfordiæ, item in villis Salpetrisch Erde. Cujus varietas est Terra Nitrosa sterilis, quam Thuringi Schalck / quasi nequam, nominant. Confer Kentman. loc. cit. N. 41.*

§. 4. Omitto coquendi parandique modum consulto, qui ab aliis Autoribus traditus est. Nitri vires variæ sunt, nempe ad fœcundandos agros, metallorum solutionem, fusionem & depuratio-

nem &c. Prætereo composita à pharmacopæis parata.

§. 5. *VETERUM APHRONITRUM*, in vicinia agri nostri *Leucopetræ* reperitur, *GUNT. CHRIST. SCHELHAMERO* teste, in *Comment. de Nitro Cap. III. pag. 43.* qui inquit: *Est & Oppidum Germaniæ, (vel potius urbs) Serenissimi cujusdam Saxonie Ducis sede celeberrimum, Leucopetra, Germ. Weis-sensfels / ad Salam fluvium, alta sub rupe situm, ex qua ei arx principalis imminet. Hic in Domo Reverendi Ser. Principis Confessionarii cella est profundissima, quippe ex tribus infima, quæ simul altissimo fornice gaudet, tota in saxo excisa, è cujus summo per stirias excavatas, tandemque cadentes aqua continuè depluit, quæ ubi fundum attingit, in nitrum vertitur, durum, saxcum, ut malleo vix obtemperet; termini hujus cellæ, qui parietum sunt loco, eodem nitro incrustati sunt; prorsus ut vix rupis aliquid appareat. Hoc veterum esse aphronitrum nullum dubium est; nam ardet igni admotum stridetque. Tantum hac vice de Aphronitro.*

§. 6. Sequitur *ALUMEN*, quod  
non

non ita procul à Salfeldia, bey den Alaun-  
und Vitriol-Hütten / ex lapide nigro fissi-  
li elicitur, quibus spelunca aluminosa ad-  
jacet, ex qua lapides eruuntur. Reperi  
etiam in præterito anno in hac spelunca  
*alumen nativum*. Porro in Vogtlandia  
ad urbem Plauen / ex terra coquitur.  
Aluminis, tam Salfeldensis, quam Blauen-  
sis *Agricola de Nat. Fossil. Lib. III. Cap. 12.*  
& *Lib. X. Cap. 18.* meminit. De Alumine  
fufius agam aliâ occasione. Tinctores  
alumine utuntur in tingendis lanis & pan-  
nis, ut facilius colores recipiant, & diu-  
tius servant: sic etiam usum habet in tin-  
gendis corris &c. Omitto virtutes medi-  
cas, apud Medicos quærendas.

§. 7. Non multum ab ALUMINE  
distat VITRIOLUM, quod in eodem  
fere loco ex lapidibus cum lixivio elicitur.  
Inter Reichmanns-Dorff & fornacem vi-  
trariam, Glasz-Hütte / etiam vitriolum  
coquitur, quod multo fortius ac citius  
corrodit, quam prius, ita quidem, ut ad  
tingendum sericum minime conducat, sed  
illud potius corrodat. Plura de Vitriolo  
suo tempore.

## CAPUT IX.

DE

## METALLIS ET MINERALIBUS.

§. I.

**R**estat ultimum libelli Caput. Antequam vero ad Metalla progrediar, me excusabo, cur promissa mea non servaverim? promiseram enim in relationibus præteriti anni, quod Oryktographiæ Jenensi accuratam Rei Metallicæ Salsfeldensis Historiam adjungere velim. Cum vero (1) inter elaborandum metallorum opus in magnam molem accresceret, & quidem tantam, ut haud commode à Studiosis Jenensibus per campos & montes portari posset, (2) quædam de ortu & progressu hujus historiæ mihi deficerent, (3) paucos in Re Metallicâ curiosos esse, animadverterem (4) hanc Historiam ad Jenensem agrum minime pertinere arbitrarer, & (5) ut eandem historiam, in metallicorum, relique metallicæ peritorum usum, sermone Germanico conscribam, quidam me rogarent, causa fuit, cur alii



occasione, & quidem commodiori (si Deus vires, sanitatem, atque tempus concesserit;) reservo. Interim tamen extra agrum nostrum aliquando vagabor, quod sæpius consulto feci, fodinarumque Salfeldensium mentionem faciam.

§. 2. AURUM, Metallorum optimum & pretiosissimum, in *Sala* flumine & *Schwarza* amne reperitur: *Reichmansdorffii* vero, qui pagus ultra milliare à Salfeldia distat, ex monte eruitur, & ex confusis lapillis coquitur.

§. 3. *Aurum*, quod in *Sala* reperitur, statim suum est, vulgo *gediegen Gold*. Hoc aurum ex *Schwarza* cum fluente aqua in *Salam* delatum esse, multi credunt, quod *Cap. III. §. 11. pag. 26.* monui. Nam testibus *Sylvestri à Lieben* in Manuscripto suo, *JO. GEORGIO KEYSERO, Med. Doct. Physico Salfeldensi, & Practico L. annorum, Amico meo optimo, ac me ipso, Salfeldiæ in Sala, supra Schwarza in Salam influxum, aurum reperitur.*

§. 4. Curiosa est *Sylvestri à Lieben* de auro in *Sala* historia, quam ex ejus Manuscripto huc transferam ubi *Lib. 1. Cap. VIII. Aurifabri Veneti, Salfeldiæ in Sala flu-*

flumine aurum colligentis, meminit, seque à Sene fide dignissimo hanc historiam accepisse testatur, nempe narrat: *Venetum Aurifabrum, ex arenis & aliis non nullis Sala lapillis collectis, probeque contusis, nemine hoc suspicante, ingentem auri massam conflasse. Aurifex cum longinquior forte ipsi ex improvise subeunda esset peregrinatio, aurum istud, tanquam chaos quoddam, & à ceteris metallis, admixtisque sordibus nondum separatum, hospiti suo per semestre custodiendum tradidit. Cum vero ultra promissum emaneret, hospes aurum depositum & suae fidei commissum, ad conficiendarum campanarum usum (ac si es sit caldarium) gratis confert ac destinat, quae mirum in modum sonantes evaserunt. Reverso demum Veneto aurumque reposcente depositum, lis orta est, quae tamen, ubi cognovit Venetus, ad pios usus esse collatum aurum illud, facile iterum disrempa lis fuit. Quod, si ita est, (ut revera est) quis non nostrum fluvium auriferum pronuntiet? Haecenus Sylvester à Lieben. Aurum etiam nativum, purum Christoph. Eucelius, Salsfeldensis, in Sala in piscium capitibus reperit, confer ejus Lib. I. de Re Metallica pag. mihi 14. quod etiam*

etiam in *Schwarza* & *Albi* vidit: & loc. cit. Palacam Hispanicam German. *Ge-  
diegen Gold* in *Schwarza* & *Sala* offendit. Omitto quod supra laudatus *Keyse-  
rus* Salfeldiæ in *Sala* aurum observaverit, & ego etiam ibidem, inter arenas aurum viderim.

§. 5. Infra *Schwarzæ* in *Salam* influxum, non ita procul à *Schöps* & *Mauen* (si bene memini) defuncta *Stru-  
vii* Conjux aurum lavari curavit. Non minus etiam in aliis *Salæ* locis lavari potest. Ante aliquot annos, *JO. JAC. BAIERO* teste, *Jenæ* aurifabri mulier anseres in foro emit, in quorum ventriculis auri nativi grana plurima reperta sunt: postea hæc mulier plures anseres spe lucri emebat, in quibus nihil auri reperiiebatur. De auri in *Sala* origine infra agam. Aurum, quod in *Sala* lavatum est, in curiosorum virorum museis offenditur.

§. 6. Aurum in *Schwarza* amne circa arcem *Schwarzeburgicam* copiosius occurrit, & aliquando ad pagum *Schwarza* / ubi *Salam* influit, lavatur. Hoc aurum ad *Rudolphopolin* portatur venale, & *Principi Sereñissimo* venditur. Ab au-  
lico

lico quodam relatum habeo, quod in Domo Schwarzeburgica catena aurea, longa, ex Schwarzae nostri auro confecta, fervetur. Narravit etiam quidam Metallicus Schwarzeburgicus, Beatissimum Principem novendecim drachmas auri, in Schwarza collecti, in uno die accepisse.

§. 7. Superest adhuc, ut explicem, *unde in his quis aurum?* Quod ad Salam attinet, opinor (1) *Aurum, in illo longo spatio, à monte Pinifero, vulgo Sichelberg/ ad Albim usque, per montes, agros, valles & ipsam Salam, suas occultas nobisque ignotas venas sparsisse.* Hinc facile fieri potest, ut perpetuus aquarum fluxus, sensim atque sensim ex auri venis, Salæ fundum transientibus & quasi dividendibus, (vulgo *streichende Gänge*/) minutissima ramenta & grana abripiat & eluat. (2) *Ceteros rivos, torrentes & fontes, aut agrorum inundationes aurum, quod in superiori terræ parte est, metallicis welches zu Tage ausgehet/ cum aquis suis in Salam deferre.* Nonsolum vero aquæ aurum in Salam deferunt, sed etiam pyritem, auro prægnantem; quale pyritis genus in Sala & Schwartzza reperi, de quo

quo etiam in §. 4. in historia aurifabri veneti dixi. (3) *Schwartzam* annem aliquid auri, quamvis non omne, in *Salam* deportare.

§. 8. Has conjecturas, de auri in fluviis ortu approbat *Agricola* Lib. V. de ortu & causis subterranean: Cap. 13, qui ait: Sed hic quoque dicendum est, de metallorum ortus loco, qui propriæ terræ tributus est. Etenim in ejus venis & fibris igni certum est; attamen, quia etiam in arenis fluminum reperitur aurum, *Albericus* ibi fieri putat, quem quidam secuti cursum fluviorum ejus metalli fertilitate distinxerunt. Sed aurum ibidem non gignitur; verum id aut ipsæ amnium & rivorum fluxiones & impetus à montibus abripiunt: aut fontes ex fibris & venis montium effundunt in rivos & amnes. Et paulo inferius in eodem capite pergit: Itaque aurum à venis & fibris abreptum consedit in arenis, in eis non gignitur. *Arenæ* enim fibræ carent, in quibus humor, ex quo fit aurum, contineri possit. At sub arenis, fuerint fibræ, in eis aurum gigni potest, etiam sub paludibus. *Aqua* enim com-

pri-



*primens terram, metallorum ortum non impedit.*

§. 9. Duæ priores de Salæ auro conjecturæ, in § 7 jamjam propositæ, in *Schwarza* nostra etiam locum inveniunt, quibus hoc accedit, *quod semimilliare ferè à pago Reichmannsdorff mola metallica, das Gold-Puchwerck / sit, quæ auri mineras contundit, & in eadem regione rivulus aut torrens quidam, ex quo lavando & separando auri grana colligantur, vulgo das Seiffen-Werck / quæ aqua deinde Schwarzam influit.* Quare facile fieri posse autumo, ut hæc aqua aliquid auri secum rapiat, inque Schwarzam vehat, & ibi deponat. Tantum de auro Salæ & Schwarzæ. Obiter saltim hic ex Territorio Serenissimi Saxonæ Ducis ERNESTI FRIDERICI proferam inscriptionem aurei nummi, ex lavato auro facti, in cujus latere priori Serenissimi Principis imago cum hac circumscriptione conspicitur: ERNESTUS FRIDERICUS DUX SAXON. I. C. M. A. ET W. in altero vero latere: ZU SCHWARZENBRUN AUS DER GOLDWÄSCHE.

Der

Der  
 Schwarzenbrun  
 gibt Gold,  
 dergleichen bricht  
 Schalkau,  
 Das Saltz fchenckt  
 Lindenau,  
 GOtt ist dem  
 Lande hold.  
 Hildburghausen 1716.

§. 10. Pergo jam ad AURUM FOSSILE, de quo tamen hic obiter quædam saltim dicam, quia in alio libro fufior ero. Eruitur hoc aurum in vicinia nostra, in Ducatu Salfeldensi ad pagum Reichmanns-Dorff/ ex monte, ubi pyritis speciei infidet, & aliquando cum minera martis friabili, metallicis Eisen-Mann/ effoditur. Quamvis hic mons nostris temporibus tantam auri copiam Serenissimo Principi, non largitus sit, quantam ante C. & CC. annos dedit, tamen sperandum, venam auro fœcundam imminere, metallicis daß der Gang sich bald veredlen/ und eine reiche Ausbeute  
 G                      ger

geben werde. Interim tamen ex hoc monte tantum auri depromptum est, ut *Serenissimus Princeps, JOANNES ERNESTUS*, multos ducatos ex hoc auro confici curaret, cujus ectypum alio tempore communicabo. Ingentem auri copiam ante CC. annos ex hoc monte erutam esse, ex veterum Manuscriptis exploratum habeo. Sed plura suo loco. In Vogtlandia ad *Rutten-Heida* etiam aurum fossum est, teste *Albino in der Meißnischen Berg-Chronica* pag. 128.

§. II. Ex auro Ducatos nummosque alios, annulos, pocula, coronas regum & Sceptra fieri, aurumque in subtilia fila extendi, & vestium nodos his filis involvi, fimbriisque inservire, notum est. Ingens etiam auri massa, quotannis in Europa in lamellas admodum tenues, *Gold-Blättlein* malleatur: quibus lamellis templa, Principum arces, & varia ad ornamentum parata, mortuorum coronæ, epitaphia, statuæ, libri &c. obducunt. Prætereo vires medicas, medicis cognitās. Num vero aurum lepram præcaveat? quod *Osiander* putavit, qui hunc in finem semper auream catenam collo gestavit, nondum exploratum habeo.

§. 12. ARGENTUM, in agro nostro hactenus reperire non potui: Salfeldiæ in vicinia nostra copiosum eruitur, cujus fodinæ sunt: Das Haus Sachsen / Maria Elisabeth / die Silber-Kammer &c. ex hac ultima multum argenti erutum est, ex quo *Serenissimus Princeps* monetam confici curavit, in cujus uno latere *Serenissimi Principis imago* cum hac inscriptione. D. G. JOHANNES ERNESTUS VIII. DUX SAXONIÆ I. C. M. A. ET W. in altero vel latere: MON. NOV. EX FODINIS SALFELDIENSIBUS CAMERA ARGENTI DICTIS 1692. De argento alibi plura.

§. 13. CUPRUM haud copiose in agro nostro occurrit, tam ad Salam, quam in vineis, agris & vallibus, quod in fragmentis saltim reperitur. Multum cupri vero in profunda terra agri nostri latere probabile est; quia venæ parvæ aliquando in summo agro nostro observantur, quas venas metallici *Streichende Gänge / welche zu Tage ausgehen / oder am Tage sind /* appellant. Ante paucos annos, non ita procul a pago *Zweihen /* rusticus aratro cupri mineram ex agro eruit. In fodinis Salfeldensibus multum cupri est, item in fodinis Schwarzeburgicis, quarum plurimæ circa pagum *Rönnig* sunt. Sed omitto has fodinas, ne nimis prolixior sim: nec recensere bo varietates minerarum, & cupri usum, ac: in medicina vires.

§. 14. FERRUM sequitur, cujus minera passim in agro nostro, imprimis in Leutra, & Roda reperitur. Cum vero in nullo agri nostri loco fodiatur, illud prætereo, id saltem monebo quod prope Rodam malleus ferrarius sit. Ferri minerae sunt RUBRICA FABRILIS, de qua *Cap. IV. §. 5. pag. 45.* & OCHRA, de qua *loc. cit. §. 6. pag. 46.* dixi. Ferri minera dives in Ducatu Salfeldensi copiose eruitur, ubi in Sylva, non procul à pago Reichmanns-Dorff & Hohen Eiche/ aliisque in locis, effoditur. In illis fodinis, quæ inter Reichmanns-Dorff und Hohen Eiche sunt, martis minera reperitur, admodum plana & à natura quasi polita, ita, ut faciem nostram, tanquam in speculo distincte repræsentet.

§. 15. Præter hæc metalla etiam in Ducatu Salfeldensi PLUMBUM reperitur, de quo suo loco. Cetera mineralia, quæ in eodem Ducatu fodiuntur sunt: COBALTUM, ANTIMONIUM, VIRIDE NATIVUM, COERULEUM NATIVUM, CHRYSOCOLLA, GALENA &c. Huc etiam referam LITHATRACES, quamvis ad hoc caput minime pertineant, quæ prope Gräsfenthal fodiuntur. De his omnibus in opere ipso agam, & labori huic impono

**F I N E M.**



JO. HENR. SCHÜTTEI, M.D.

AD

VIRUM

ILLUSTREM MAGNIFICUM  
EXCELLENTISSIMUM atque EX-  
PERIENTISSIMUM

GEORG. WOLFFG.  
WEDELIUM,

HÆREDITARIUM in Schwar-  
za / Medicinæ Doctorem, Comi-  
tem Palatinum Cæsareum, Sacræ Cæsareæ  
& Cathol. Majest. ac Serenissimorum Sa-  
xonix Ducum Consiliarium, Vinar.  
Aulicum & Archiatrum, Praxeos  
& Chemiæ Professore Publico  
Ordinarius,

*Totius Academiae Jenensis*  
SENIOREM.

DE

VINO JENENSI  
EPISTOLA.

VIRO

Illustri, Magnifico, Excellentissimo  
ac Experientissimo

GEORGIO WOLFFGANGO  
WEDELIO,

*Hereditario in Schwarza/  
Medic. Doctori &c.*

Vitam & Felicitatem  
optat

JO. HENRICUS SCHÜTTEUS.



Dulcissima sanè Vi-  
rorum Doctissimo-  
rum, Præceptorum  
fidorum, Academiarum, Studio-  
rum laborumque actorum, me-  
moriam est. Sæpius TUI, *Venera-  
bile Caput*, TUORUMQUE in  
me meritorum, studiorum & cu-  
ra-

rarum recordor, pro quibus TIBI, ut mereris, gratias ago habeoque. Redeunt quoque in memoriam Agri Jenensis Amoenitas, Herbarum optimarum copia, Fossilium haud exiguus numerus & Vini jucunda ubertas: de qua vini ubertate, imprimis eâ, quæ ante nostra tempora fuit, in præsentī epistola dicam.

Præter Glaſtum in Thuringia nostra Vitis diligentiffimè culta eſt, quod ex veterum cognoviſcriptis. Nolo hic de vitis culturâ atque naturâ, vino ejusque varietatibus, uſu & noxa agere, cum THEOPHRASTUM ERERIUM, PLINIUM, CASSIANUM BASSUM, JO. BOD. à STAPEL, GUIL. GRATALORUM, PAMPHIL. HERILACUM, TOB. WHITAKERUM, PHIL. JAC. SACHS à LE-

WENHEIM, aliosque de hâc materia scripsisse cognoverim, ne acta agam, & dicta dixisse videar: nec Vinum Jenense à nocentis calcis suspicione vindicabo, cum id ab Excellentissimo ac Experientissimo JO. HADRIANO SLEVOGTIO, Anat. Chirurg. & Botanices in Academia Jenensi Professore, Fautore omni officiorum genere colendo, in *Prohusione*, ad inauguralem Dissertationem *De Calamo Aromatico* factum esse sciam; Sed de Vitis in Agro Jenensi crebriori copia & vini ubertate, quantum ex veterum literis scio, dicam.

Quod totus ferè Jenensium Agger temporibus prisca, Vitifer fuerit GREGORIUS GROITSCHIUS in libello, Salæ fluvii descriptionem continente, testatur, qui anno



CID ID LXXXIV. hunc librum in publicum misit, in quo ait: *Totus tractus à Cala usque ad Mersèburgum fere vitifer est, ac nobilia vina profert, quæ à fluminis nomine Salica appellantur. Interea tamen præcipuæ laudis esse Genensia censentur. Etpaullo inferius: Civitas Gena ab omnibus partibus vitiferis montibus est circumdata, ut non absurdè Bachi sedem dixeris. Quod plures quoque vineæ circa Rudolphopolin, Calam & Erfurtum fuerint, agrorum montiumque indicant facies, quod haud ita procul à pagis Tiefsenthal / Widdern / Rinhausen &c. in agris & montibus videre licet, ubi vineæ in agros mutatæ sunt.*

Præ harum urbium regionibus, nulla tot vites habuit, atque





tanta vini ubertate notabilis fuit,  
 quam Jenensis regio. Hæc vini  
 uberrima copia causa fuit, cur  
 quidam urbis JENÆ nomen à vo-  
 cabulo hebræo יין, quod Latinis  
 vinum denotat, derivari debere pu-  
 tent; quam sententiam fovent Jo.  
 STIGELIUS loc. cit. & ADRIAN. RO-  
 MANUS, qui in *parvo Theatro urbi-  
 um*, pag. 98. ad urbem Jenam ex  
 poëta quodam hos posuit versus:

*Hinc placet Hebræo nobis hanc nomine dici,  
 Ut vetus à Jajjn nomen Jena tenet.*

*Cur ita crediderim, nisi mentem vocula  
 fallit,*

*Certa hujus ratio nominis esse potest.*

*Quippe vocat Jajjn Solijmæ pius incola  
 terræ,*

*Hoc quod nos latio dicimus ore merum.*

*Quæ caput in mediis urbs fertilis erigit  
 uvīs,*

*Hanc quisque à vino nomen habere ne-  
 get?*

Quos



Quos auctores sequutus est ABRAH. SAUER, qui in hæc erumpit verba:

Jena ein berühmte Stadt du bist/  
Von Wein dein Nahrn gemacht ist.

Et M. HIERON. HENNING, *Tom. II. Genealog.* Jenam nostram *Jainam* appellat, quæ appellatio à Jayn desumpta est.

Probabilissima hæc de nominis derivatione sententia foret, si exploratum habeam, quod urbis conditores Hebræi fuerint. Cum vero hoc nondum ab ullo demonstratum sit, & probari possit, hæc opinio infirmo nititur talo, nisi quis dicere velit, quod forsan inter urbis accolæ sacerdotes, linguæ hebrææ periti, fuerint, qui nomen hoc, agro Jenensi aptissimum, urbi imposuerint. Sed hæc obiter.

Præter cellam Cunicensem &  
civium

civium Jenensium cellas vinarias, vinaria cella, quæ in suburbio est, vulgo *der Fürsten-Keller*/ maxima & notatu dignissima fuit, de qua GROITSCHIUS loc. cit. *Extra mœnia recta è regione arcis est amplissima Ducum cella vinaria, cui similem vix reperies apud alios Principes: In ea est vas vini mille & quingentarum urnarum capax.* Adhuc etiam, quod optime noscis, VIR MAGNIFICE, in hac cella vinaria magna vini copia servatur.

Quamvis verò plurimæ vineæ Jenæ semper fuerint, vinum tamen ferè omne Vinariæ venditum esse quidam statuunt, urbemque vinariam à vini mercatura nomen germanicum æquè ac latinum accepisse putant: quia *Weimar* tan-

tum est, quam *Wein-Markt* / & *Vinaria* tantum, quam *Vini area* vel *vini forum* aut *emporium*. Verissima certe hæc nominis derivatio est; cur vero *Vinaria* vini emporium fuerit? nemo explicat.

Cur vero ex vineis agri facti sint? ipse nosti, nempe: quia non quotannis uvæ ad justam maturitatem perveniunt & dulcedinem acquirunt, imprimis si æstas frigidior & nimis pluviosa fuit. Et, ne TE diutius morer, sileo, & quæ de vino nostro dici possent, cum TIBI notissima sint, prætereo. Hoc est, quod TIBI brevissime de Vini Jenensis ubertate, in præsentem scribere volui. Vale: ut instituisti, me diligas, rogo, meque proprie TUUM esse TIBI persuadeas. Vale.

# INDEX

*Scriptorum ceterorumque in hoc libello nominatorum.*

Agricola <i>Georg.</i>	Laurenbergius <i>Guil.</i>
Albinus <i>Petrus.</i>	à Lieben <i>Sylvestr.</i>
Baierus <i>Fo. Guil.</i>	Listerus <i>Martin.</i>
- - - <i>Fo. Jacob.</i>	Luidius <i>Eduard.</i>
Bassus <i>Cassian.</i>	Mathiolus <i>Petr. Andr.</i>
Bauschius <i>Fo. Laur.</i>	Mylius <i>Gottfr. Frid.</i>
Becherus <i>Foach.</i>	Plinius.
Beier <i>Adrian.</i>	Quercetanus <i>Fos.</i>
Bellonius <i>Petr.</i>	Ritterus <i>Steph.</i>
Boëtius de Boot <i>An-</i>	Romanus <i>Adrian.</i>
Boyle <i>Robert. (selm.)</i>	Ruppius <i>Henr. Bernh.</i>
Büttnerus <i>Dan. Sig.</i>	Sachs à Lewenheim
Celtes <i>Conrad.</i>	( <i>Phil. Jac.</i> )
Cordus <i>Valer.</i>	Sauer <i>Abrak.</i>
Dioscorides <i>Ped.</i>	Schelhammerus <i>Gunt.</i>
Ellingerus <i>Andr.</i>	( <i>Christ.</i> )
Encelius <i>Christoph.</i>	Scheuchzerus <i>Fo. Jac.</i>
Eresius <i>Theophrast.</i>	Schreyerus <i>Foh.</i>
Fabritius <i>Georg.</i>	Stellutti <i>Francesc.</i>
Gratarol <i>Guil.</i>	Stigelius <i>Foh. (Frid.)</i>
Gesnerus <i>Conrad.</i>	Teichmeyerus <i>Herm.</i>
Groitschius <i>Gregor.</i>	Valleriola <i>Fr.</i>
Herilacus <i>Pamphil.</i>	Wedel. <i>Georg. Wolffg.</i>
Kentman <i>Foh.</i>	Whitackerus <i>Tob.</i>
Keyserus <i>Fo. Georg.</i>	Winstrupius.
Langius <i>Christ. Fo.</i>	Woodwardus <i>Fo.</i>
- - - <i>Car. Nic.</i>	Zieglerus <i>Fo. Bernh.</i>



# INDEX

## Rerum Memorabilium.

- A**biegnum lignum petrific. 80.  
**A**ëris Jenensis salubritas 13.  
     14. 15. 16.  
**A**ëtites 63. 64. 65. 66.  
**A**gri Jenensis amoenitas 8. 9.  
     - - - - - elevatio poli I.  
     - - - - - situs I.  
**A**gri Jenensis diversitas 2. 3. 4.  
     5. 6. 7. 8.  
**A**grorum fertilitas 7.  
**A**labastrum 53. 54.  
**A**lni folia petrific. 80.  
**A**lumen 88. 89.  
**A**ntimonium 100.  
**A**phronitrum 88.  
**A**rborum ramenta petr. 79.  
**A**rena 50.  
**A**renarium saxum 49.  
**A**rgentum 99.  
**A**rgilla 43. 44. 45.  
**A**rula amnis 18. 26.  
**A**urum fossile 97.  
     - - in Sala 91. 92. 93.  
     - - - Schwarza 93. 94.  
**B**ein: Bruch 74.  
     - - - Stein 74.  
**B**eleminites 67.  
**B**olus rubra 45.  
**B**otrytes minera 72.  
**B**raune Kreide 45.  
**B**ruck: Stein 74.  
**B**ucardites 85.  
**B**uccinitæ 83.  
**C**alcarius lapis 51. 52.  
**C**avernæ montium 5.  
**C**eraunia 67.  
**C**obaltum 100.  
**C**ochlitæ 84.  
**C**œruleum nativum 100.  
**C**hrysololla 100.  
**C**onchites 84.  
**C**ornu ammonis 82.  
**C**rater Thuringiæ 42.  
**C**reta cœrulea 47.  
     - - - nigra 47.  
**C**rySTALLI 66.  
**C**uprum 99.  
**D**onner: Keil 67.  
**D**onner: Stein 67.  
**D**orringische Kreide 47.  
**D**rytes 80.  
**E**chinitæ 83.  
**E**cho 4.  
**E**latites 80.  
**E**nhydros 63. 64.  
**E**norchis 64.  
**F**errum 100.  
**F**euerstein 55.  
     ' ' ' ' rother 57.  
**F**ol. alni petr. 79.  
     - - fagi petrif. 80.  
     - - Salicis petrif. 79.  
**F**ons Lauter: Born 32.  
     - - Lotter: Born 32.  
     - - Lutter: Brunne 32.  
     - - mali bonique ominis 33.  
         34. 37.  
     - - tieffe Brunne 38. 39.  
**F**ontes novi 35. 36. 37.  
     - - salubres 40.  
     - - urbis 40.  
**F**ürsten: Brunne 30. 31.  
**G**alena 100.  
**G**embda rivus 18. 29. 30.  
**G**eodes 63. 64.  
**G**esund: Brunnen 40.  
**G**lacies Mariæ 59.  
**G**leisbergus 3.  
**G**ram. petrif. 79.  
**G**ypsum 52. 53.  
     - - - - - ust. 52.  
**H**ausbergus 4.  
**H**unger: Born 33. 34.

Hyacinthi 61.  
 Hysterolithi 85.  
 Hysterapetræ 85.  
 Jaspis 56. 57. 58.  
 Ilma fluv. 18.  
 Inundatio Vinariensis 27.  
 Judaicus lapis 71.  
 Knopff: Steine 83.  
 Lacus cygneus 40. 41.  
 - Denstadiens. 42.  
 - - dulcis 42.  
 - - falsus  
 Lap. calcarius 51. 52.  
 - - curiosus 73.  
 - - judaicus 71.  
 - - pectus refer. 72.  
 - - pedem repræs. 73.  
 - - os ilei, ischii & pub. 73.  
 Leutra amnis 4. 18. 26. 27. 28. 29.  
 Ligni copia 6.  
 Lithoxyla 80.  
 Marga fissilis 48.  
 Marien: Eiß 59.  
 - - - - - Glas 59.  
 Marmor album 54.  
 - - - - - nigrum 54.  
 Mäuse: Stein 75.  
 Medulla Rochlic. 45.  
 - Saxon. 48.  
 Montes celebres 3. 4.  
 Mont. rupturæ 4. 5.  
 - - cavernæ 5.  
 Musculites 84.  
 Muscus petrif. 79.  
 Myites 75.  
 Mytilites 84.  
 Nautilites 83.  
 Nitrum 87.  
 Ochra 46.  
 Orla amnis 18. 26.  
 Osteocola 74.

Pactinitæ 85.  
 Pectunculitæ 85.  
 Puellarum superstitio 28.  
 Pix 7.  
 Pnigitis 47.  
 Porus 51.  
 Roda 18. 26.  
 Rötel: Stein 45.  
 Rubini 61.  
 Rubrica fabrilis 45. 46.  
 Sal 86.  
 Sala 3. 4. 17. - - 22.  
 Salicis fol. petrif. 79.  
 Salza amnis 18.  
 Salzige See 42.  
 Saxum arenar. 49.  
 - - - - - calcar. 51.  
 - - - - - glareosum 50.  
 Schleinz amn. 17.  
 Schwanen: See 42.  
 Schwarza amn. 17.  
 Schwarze Kreide 47.  
 Selbiza amn. 17.  
 Silices 55.  
 Soli varietas 2.  
 Stalactites 67.  
 Stalagmites 67.  
 Straal: Stein 67.  
 Sylvæ 5.  
 Terra lapid. Rochlic. 46.  
 Thus thuring. 7.  
 Tophus 51.  
 Veter. Aphronitr. 88.  
 Viride nativ. 100.  
 Vitriolum 89.  
 Unicorn. fossile 81.  
 Weimarische Sündfl. 27. 28.  
 Wetterscheid 19. 20.  
 Wiesenthavus amnis 17.  
 Wintbergus 3.

NB. pag. 40 lin. 10 pro *atque lege vel potius*: reliqua errata  
 B. L. amice corrigit, quia sensum ancipitem non reddunt.

Ad Bibliopegum.

Tab. I. & II. ad pag. 73. pertinent.











2

a

